

Ti Panangammo
iti
Pito nga panpanawen
ti Iglesia

TI PAGRUGIAN

Maigapu iti kadakkel daytoy a banag maipalagip nga dagitoy immun-una nga doktrina (kas iti Kina-Dios, Panakabautisar ti danum, ken dadduma pay.) ket masarakan iti libro ti Paltiing, capitolo Ono inggana ti maikatlo a capitolo. Ti kangronaan a tema daytoy ket ti panakaipakaammo ti detalyado a panagadal iti Pito nga Panpanawen Ti Iglesia. Daytoy ket kasapulan tapno maadal ken maawatan ti dadduma pay a Paltiing, kalpasan ti Panpanawen sumaruno dagiti Selyo, kalpasan ti Selyo sumaruno dagiti Trumpeta, kalpasan ti Trumpeta sumaruno dagiti Malukong. Kasla iti panagbittak ti kandila ti Romano, ti Panpanawen Ti Iglesia ket rimuar ti naindaklan a silaw ti umuna a panakaawat, no awan daytoy ket awan ti sumaruno a silaw. Iti tiempo nga maawatantayo daytoy Pito a Panpanawen Ti Iglesia ket mangited ti nadosan a paltiing, lawag ti silaw ket agsasarunoen, inggana nga amin a paltiing ket malukatan a silalawag iti sango ti matatayo: ket datayo, pinatibker ken dinalusannatayo babaen ti Espiritu, ken naaramidtayo a sisasaganatayo iti naindaklan a Panagparangna, uray pay ni Apo ken Manangisalakantayo, ti Maymaysa a Pudno a Dios, a ni Jesu-Cristo.

Daytoy nabuo a pagbasaan ket naituding iti umuna a mangbasa ta daytoy ket maysa a naggapu iti pusok a mensahe para kadagiti puspuso ti tattao.

Kangrunaanna ti rigat a naala tapno maipadakkel amin a nagan ken titulo, adu a nagnagan ken panangibalikas, ken dadduma pay, nga maipapan ti Kina-Dios, ken ti sasao a Biblia, Kasuratan, ken ti Sao, ket kabayatan ti kaadda daytoy a sasao kadatayo maipapan ti kangatoan ken Persona ti Dios ken iti Nasantoan a Sasaona.

Ikarkaragko ti bendision ti Dios kadagiti tumunggal maysa a mangbasa; ken ti panangilawlawag ti Espiritu Santo ti Dios ti maada ti tumunggal maysa.

William Marrion Branham

CAPITOLO ONO

TI PALTIIING NI JESUS TI CRISTO

Paltiing 1:1-20

1 Ti Paltiing ni Jesu-Cristo, nga inted ti Dios kenkuana, tapno ipakitana kadagiti adipenna dagiti masapul a mapasamak iti mabiit; ket imbaon ken impakaammona babaen iti Anghelna kenni adipenna a Juan:

2 Daytoy ti pammaneknekna maipapan iti Sao ti Dios, ken iti testimonio ni Jesu-Cristo, ket impakaammo ni Juan ti amin a nakitana.

3 Nagasat ti mangbasa iti daytoy a libro, ken nagasat met dagiti dumngeg ti sasao kadagitoy a naipadto, ken mangtungpal iti nailanad iti daytoy a libro: ta ti tiempo ket asidegen a mapasamak.

4 Siak, ni Juan: Kablaawak dagiti pito nga iglesia nga adda idia Asia: Adda koma kadakayo ti parabur ken talna nga aggapu iti Dios nga adda ita, adda idi ken umayto. Aggapu met daytoy kadagiti pito nga Espiritu iti sangoanan ti tronona.

5 Aggapu pay ken ni Jesu-Cristo a mapagtalkan a saksi, inauna nga Anak a nagungar ken kangatoan kadagiti agtuturay iti lubong. Ay-ayatennatayo ni Jesu-Cristo, ket winayawayaannatayo kadagiti basbasoltayo babaen iti darana,

6 Pinagbalinnatayo nga ar-ari, ken papadi nga agserbi iti Dios ken Amana. Ipaduyakyaktayo ti agnanayon a dayag ken pannakabalin. Amen.

7 Kitaenyo, umayen ni Jesus a silulugan kadagiti ulep! Makitanto ti tunggal maysa, agraman dagiti nangduyok kenkuana. Dung-awanto dagiti tattao iti amin a pagilian ditoy lubong. Maaramid koma a kasta! Amen.

8 Siak ti Alfa ken ti Omega, Ti Pagrugian ken Kamaudianan, kuna ti Apo Dios a Mannakabalin-amin, isu nga adda ita, adda idi ken umayto.

9 Siak ni Juan a kabsatyo. Kas pasurot ni Jesus, kaduakayo iti panagsagaba, iti pagarian ni Cristo ken iti naanus a panagibtur. Naipanak iti puro a managan Patmos gapu ta impakaammok ti sao ti Dios ken ti kinapudno nga impakaammo ni Jesus.

10 Iti aldaw ti Apo, addaak iti pannakabalin ti Espiritu ket nangngegko iti likudak ti maysa a napigsa a timek a kasla uni ti trumpeta.

11 A kunkunana, siak ti Alfa ken Omega, ti Umuna ken Maudi: ken, no anya ti makitam, isuratmo iti libro, ket ipaw-itmo kadagiti pito nga iglesia nga adda idia Asia; idia Efeso, Esmirna, Pergamo, Tiatira, Sardis, Filadelfia ken Laodicea.

12 Timmaliawak tapno kitaek no siasino ti agsasao, ket nakitak ti pito a pagsilawan a balitok.

13 Iti tengngada, adda umas-asping iti anak ti tao a sikakawes iti pagan-anay a dumanon iti dapanna. Adda nabalitokan a banda iti barukongna.

14 Napudaw a kas iti kapas wenno puraw a delana ti ulo ken dagiti buokna. Kasla gumilgil-ayab nga apuy dagiti matana.

15 Agranraniag dagiti sakana a kasla napasileng a gambang a naglasat iti apuy. Ket ti timekna kasla daranudor ti agdissuor a danum.

16 Ig-iggaman ti makannawan nga imana ti pito a bituen. Rimmuar iti ngiwatna ti maysa a kampilan a natadem ken dua ti tademna. Makasisirap ti rupana kas iti raniag ti init iti agmatuon.

17 Idi nakitak, kaslaak la natay a napasag iti sakaananna. Impatayna kaniak ti makannawan

nga imana ket kinunana: Dika agbuteng! Siak ti Pangrugian ken ti Paggibusan.

18 Siak ti sibibiag! Natayak idi, ngem kitaem, sibibiagak iti agnanayon nga awan inggana. Adda kaniak dagiti tulbek ni Patay ken ti Hades.

19 Isuratmo ngarud dagiti makitam, dagiti mapasasamak iti agdama ken iti masakbayan.

20 Daytoy ti nalimed a kaipapanan dagiti pito a bituen nga ig-iggamak ken dagiti pito a pagsilawan a balitok: Dagiti pito a bituen isuda dagiti angheles iti pito nga iglesia, ket dagiti pito a pagsilawan a balitok isuda dagiti pito nga iglesia.

PAGRUGIAN TI CAPITULO ONO

Paltiing 1:1-3, “Ti Paltiing ni Jesu-Cristo, nga inted ti Dios kenkuana, tapno ipakitana kadagiti adipenna dagiti masapul a mapasamak iti mabiit; ket imbaon ken impakaammona babaen iti Anghelna kenni adipenna a Juan: Daytoy ti pammaneknekna maipapan iti Sao ti Dios, ken iti testimonio ni Jesu-Cristo, ket impakaammo ni Juan ti amin a nakitana. Nagasat ti mangbasa iti daytoy a libro, ken nagasat met dagiti dumngeg ti sasao kadagitoy a naipadto, ken mangtungpal iti nailanad iti daytoy a libro: ta ti tiempo ket asidegen a mapasamak.”

Ti nangisuart (haan nga author) iti daytoy a libro ket ni San Juan a nadosan. Dagiti nagadal ti liblibro umanamongda ng ani Juan ket nagbiag idiy Efeso iti maudi a parti ti panagbiagna, uray pay iti dayta a tiempo insuratna ti libro adda idiy isla ti Patmos. Haan nga storya ti biag ni Juan daytoy, no di ket ti Paltiing ni Jesu-Cristo iti masangoanan a panpanawen ti Iglesia. Iti maikatlo a bersikolo maawagan nga padto ket dayta nga talaga ti kaipapananna.

Daytoy a libro ket maawagan a paltiing ni San Juan, ngem dayta ket di umiso. Daytoy ket Paltiing ni Jesu-Cristo a naited kenni Juan para kadagiti Kristiano iti amin a panawen. Isu laeng daytoy ti Libro nga insurat mismo ni Jesus, nga Isuna mismo nagparang iti nangisurat.

Isu ti maudi maudi nga Libro ti Biblia, ngem ibagbagana ti nagrugian ken ti maudi a dispensations iti Evanghelio.

Tatta ti sao a paltiing iti Griyego ket “apocalypse” a kayatna a saoen “malukaisan.” Ti maysa a pagulidanan nga awan pagkuranganna ket ti agkikitikit isuna ket lukaisanna daytoy inaramidna nga estatua, ipakitanaen kadagiti tattao. Isu ti panakaikkatna iti abbong, ipakitana ti di nakita iti napalabas. Tatta ti panakaikkat ti abbong ket haan laeng nga ti paltiing ti Persona ti Cristo, no di ket TI PALTIING ITI MASANGOANAN A MAPASAMAK ITI PITO A PANPANAWEN TI IGLESIA.

Ti kina importanti ti paltiing babaen ti Espiritu iti agpayso a mamati ket dakkel ti kaes-eskanna. Paltiing ket napateg launay no maammoantayo. Tatta haanak laeng nga agsarsarita maipapan ti daytoy a Libro ti Paltiing ken sika. Ti sarsaritaek ket Amin nga paltiing. Daytoy ket important launay para iti iglesia. Malagipyo kadi idiy San Mateo 16 nga ni Jesus nagsaludsud kadagiti kadagiti pasurotna, “Anya ti kona dagiti tattao maipapan ti Anak Ti Tao a Siak? Ket kinunada, Sika ni Juan a Bautista kuna ti dadduma: Sika ni Elias; ket dadduma, sika ni Jeremias, wenna maysa kadagiti propeta. Kinunana kadakuada, Ngem dakayo anya ti makunayo kaniyak? Ket ni Simon Pedro simmungbat a kinunana, Sika ti Cristo, ti Anak ti sibibiag a Dios. Ket ni Jesus simmungbat ket kinuna, Nagasatka, Simon Bar-jona: ta ti bagi ken dara ket dina impaltiing kenka, no di ket ni Amak nga adda sadi langit. Ket kunak kenka, Sika ni Pedro. Ket gapu iti a bato bangunek Ti iglesiak; ket ti ruangan ti impierno ket di

agballigi iti daytoy”? Dagiti Romano Katoliko kunada nga ti iglesia ket nabangon kenni Pedro. Tatta dayta ket panangammo ti tao laeng. Kasano nga bangonen ti Dios ti iglesiana iti tao nga agbaliwbaliw ta inlibakna na ni Apo Jesus ken inlunodna pay? Ti Dios di na mabalin a bangonen ti iglesiana iti siasinoman a tao ta naiyanak ti basol. Ken haan nga basta bato a nakadisso a dinalusan ti Dios iti apagdarekmat. Ken haan met a kas kona dagiti Protestanti a ti iglesia ket nabangon ken Jesus. Maysa daytoy a PALTIING. Basaentayo a kas naisurat: “Bagi ken dara di na impaltiing daytoy, NO DI KET NI AMAK TI NANGIPALTIING, ket BABAEN ITI DAYTOY A BATO (PALTIING) BANGONEK TI IGLESIK.” Ti iglesia nabangon babaen iti Paltiing, a kas “Daytoy Ti Kuna Ti Apo.”

Kasano nga naammoan ni Abel ti ikastana iti umiso a panagidaton ti Dios? Babaen ti pammati naawatna ti paltiing iti dara. Ni Cain di na naawat daytoy a paltiing (uray pay addaan isuna iti bilin) isunga haan nga usto ti indatonna. Dayta ti nagdumaan ti paltiing a nagapu ti Dios ta naikkan ni Abel iti biag nga awan patinggana. Mabalinmo nga alaenti kuna ti pastor, wenno ti sursuro ti siminaryo, ken mabalin a naisuro kenka ti kinalaeng a panangisao, aginggana nga ti Dios ipaltiingna kenka a ni Jesus ket isu ti Cristo, ken ti dara ti mangugas kenka, ken ti Dios isu ti mangisalamanmo, di ka maaddaan iti biag nga awan patinggana. Maaddaantayo laeng ti biag nga awan patinggana babaen iti Naispirituan a Paltiing.

Tatta ngarud nakunak a daytoy Libro ti Paltiing ket mismo a paltiing ni Jesus ken no anya aramidenna iti iglesia para kadagiti pito a panawen. Maysa a paltiing daytoy gapu ta dagiti adalan, daida mismo, dida ammo dagitoy naisurat a kinapudno. Iti napalabas haan a naipaltiing kadakuada. Malagipyo kadi nga idi immayda ken Jesus iti libro Dagiti Aramid ket sinaludsudda isuna, “itatta kadi ket subli-em ti pagarian ti Israel?” Ket kinunana, “Haan a para kadakayo ti panangammo iti tiempo ken dagiti panawen.” Dagidiay a tattao ti kapanunutanda pay laeng ket ni Jesus adda naindagaan a pagarianna. Ngem Naispirituan a Pagarian ti ibagbagana nga ipatakterna. Uray pay iti kasta di na maibaga ti Lugarna iti daytoy, gapu ta Ama ket di na impaltiing kenkuana. Ngem kalpasan ti panakatay ken panagungarna, ken iti usto nga tiempo iti Panangibabaetna, naaramidanna daytoy iti paltiingna mismo para ken ni Juan no anya ti kayatna a saoen ken aramidenna a panakaitan-okna ken ti kaaddana ti iglesia.

Iti daytoy a paltiing Ibagana no anya ti pagpatenggaan ti diablo. Imbagana no kasano nga tiliwenna ket itakpuakna iti let-ang nga apoy. Impakaammona no anya ti pagpatinggaan dagiti managdakdakes a mangsursurot kenni Satanas. Ket ni Satanas kagurana dayta.

Naammoanyo kadi no kasano a ni Satanas kagurana ti dua a libro iti Biblia a nangnangruna kadagiti dadduma? Babaen ti liberal theologians ken pseudo-scientists kanayonna nga atake-en ti Libro ti Genesis ken ti Libro ti Paltiing. Masarakantayo iti daytoy dua a libro ti nagrugianna, ti kinarungsot ti aramidna ken ti panakadadaelna. Isu ti gapuna no apay nga atake-enna daytoy dua a libro. Kagurana unay ti malawagan, ket iti dadiay dua a libro malawagan no siasino isuna nga talaga. Ni Jesus naibagana maipapan ken Satanas, “awan ti biyangna Kaniak, ken awan ti partik kenkuana.” Ti diablo kayatna nga paneknekan a naisabali; ngem dina mabalina, isunga aramidenna amin a kabaelanna nga dadaelen ti PANAMATI iti Sao ti Dios. Ngem no ti iglesia ket dina patien ni Satanas ket Mamati iti paltiing ti Espiritu iti Sao ti Dios, ti ruangan ti empiyerno ket di agballigi kenkuana.

Kayatko man ibasar iti inted ti Apo kaniak panangisursuro, no ipalubosyo. Ammoyo amin daytoy sagot nga inted ti Apo iti biagko ket supernatural. Maysa a sagot nga ti Santo Espiritu a

mangammo no anya a klase dagiti sakit, ken no anya ti panunot ti tao iti uneg ti pusoda, ken dadduma pay a nakalimmeng a banbanag nga ti Dios laeng ti makaammo ken makaibaga kaniak. Mayat koma no adda kayo a nakatakder iti abayko ken makitayo dagiti rupa ti tattao no ni Satanas ammona nga malawaganen isuna. Tatta, haan a dagiti tattao ti sarsaritaek. No di ket ni Satanas ti nangtetengel kadagiti biagda babaen ti basol, awanti interesadoda, ken ti sakitda. Ngem makitayo la koma dagiti rupada. Ni Satanas ammona nga malawagan isuna, ket ti naisabsabali a panagbalbaliw ti umay kadagiti rupa ti tattao. Ni Satanas agbuteng isuna. Ammona nga ti Espiritu ti Dios ket irugina nga ipakaammo iti tattao dagiti aramidna. Isunga kagurana launay dagitoy panagu-urnongtayo nga agdayaw ti Apo. No dagiti nagan ket maayaban ket dagiti sakit maipaltiingda, ni Satanas kagurana daytoy. Tatta anya kadi daytoy? Di a panangbasa ti panunot, haan daytoy a telepathy, wenno iti panagan-anito. Daytoy ket PALTIING babaen ti Nasantoan nga Espiritu. Dayta laeng ti wagas nga maammoak dagitoy. Uray pay no ti nainlasagan a panunot awaganda ti no anya kayatda ngem daytoy ket aramid ti Santo Espiritu.

Ipakitak pay kadakayo no apay a ni Satanas ket kagurana daytoy libro ti Paltiing ni Jesu-Cristo iti Iglesia. Ammona nga ni Jesu-Cristo ket isuna idi Kalman, ken itatta, ken iti agnanayon, ket di agbalbaliw. Ni Satanas ket ad-adu ti ammona nga adayo kadagitoy 90% nga theologians. Ammona idi pay nga ti Dios ket di agbalbaliw ti Kababalinna, ket di met agbalbaliw ti Wagasna. Isunga ni Satanas ammona nga ti original nga iglesia idi tiempo ti Pentecostes ket ti panakabalin ti Dios (San Marcos 16 agtatrabaho) ket isu ti Usto nga Iglesia a tagikua ni Jesus mismo. Amin dagiti sabali ket falso. Talaga nga kastan.

Tatta laglagipenyo daytoy. Ni Cristo iti uneg ti Agpayso nga Iglesia ket katuloyna iti Libro Dagiti Aramid. Ngem ti libro ti Paltiing iparparangna no kasano ti anticristo a espiritu ket sumrek iti iglesia ken rugitanna, aramidenna nga di napudot ken di nalamiis, pormal ken awan pannakabalinna. Ti libro ti Paltiing ipalawagna a ni Satanas, ipakitana dagiti aramid ni Satanas (padasenna a dadaelen dagiti tattao ti Dios ken dismayaenna ti panamati ti Sao ti Dios) aginggana iti tiempo a panakaitapuakna iti let-ang nga umap-apoy. Makilablabaan isuna. Haanna nga maibturan daytoy. Ammona nga no dagiti tattao ket maawatda ti AGPAYSO A PALTIING iti AGPAYSO NGA IGLESIA ken no siasino isuna tatta, no anya dagiti taktakderanna ken ISUNA KET MAARAMIDANNA DAGITI DADAKKEL A PANAGTRABAHO, ket isuna agbalin a suldado nga awan pulos panakaabakna. No maawatanda ti usto a paltiing iti dua nga epiritu iti uneg ti nabangon nga Iglesia ti Kristiano, ken babaen iti Espiritu ti Dios maawatanna ken labanenna ti espiritu ti anticristo, ti pannakabalin ni Satanas ket di agballigi iti masangoananna. Isuna ket sigurado nga di agballigi tatta a kas dina panagballigi ken Cristo iti amin a wagasna tapno abakenna koma idia desyerto. Owen, ni Satanas kagurana ti paltiing. Ngem ay-ayatentayo daytoy. Iti usto a paltiing iti biagtayo, ti ruangan ti impierno ket di agballigi kadatayo, no di ket datayo ti agballigi kadakuada.

Malagipyo nga naibagak idi nagrugitayo iti mensahe nga daytoy Libro nga ad-adalentayo ket mismo nga paltiing ni Jesus, iti iglesia ken dagiti Aramidenna iti masangoanan a panawen. Naibagak pay nga kasapulan ti Nasantoan nga Espiritu ti mangted kadatayo ti paltiing wenno di tayo maawat daytoy. No pagtiponem daytoy dua a kapanpanunutan, makitatayo nga haan nga ordinary nga panagadal ken panagpanunot tapno makuna nga daytoy a Libro ket usto. Kasapulanna daytoy ti panagtrabaho ti Nasatoan nga Espiritu. Kayatna nga saoen daytoy a Libro ket haan nga maipaltiing ti siasinnoman no di ket ti special a klase ti tao. Kasapulan ti maysa nga adda panangkitana ti addayo. Kasapulanna ti kabaelan nga dumngeg magapu ti Dios. Kasapulanna ti supernatural a panangisuro, haan laeng a kas agad-adal a

pagkokomparaen ti versekolo ken versekolo, uray no mayat dayta. Ngem ti misterio ket kasapulanna ti pangisuro iti Espiritu ta di nalawag no awan ti Espiritu. Ti kasapulan ket dumngegtayo iti Dios ken itedtayo ti biagtayo nga silulucat ken natulnog iti Espiritu tapno makanggeg ken maammoantayo.

A kas naibagakon, daytoy a Libro (Paltiing) ket isu ti pakatungpala dagiti amin nga Naisurat. Daytoy pay ket naikabil nga usto launay ti canon iti Kasuratan; iti maudi a libro. Tatta maammoam no apay a kinunana nga siasinoman nga mangbasa wenno mangdenggeg ket isuna mabindisyonan. Isu daytoy ti paltiing ti Dios nga mangted ti bileg kenka maikontra ti diablo. Ket makitatayo nga dagidiay mangnayon wenno mangkessay ket mailunodda. Makuna nga usto daytoy, ta siasino ti mangnayon ken mankessay iti umiso nga paltiing ti Dios ken mapagballigianna ti kalaban? Kasta ti kina simplina laeng. Awanen ti makapagballigi a kas ti paltiing iti Sao ti Dios. Kitaenyo, iti versekolo 3 ti bendisyon ket naipakaammoen kadagidiay mangsukimat nga usto iti daytoy a Libro. Kasla met idi idia Daan nga Tulag ti aramid dagiti papadi no basaenda ti Sao ti Diosa iti sangoanan dagiti congregasyon iti agsapa. Kitaentayo, adu dagiti di makabasa isunga ti padi ti mangbasa para kadakuada. Basta la ketdi Sao ti Dios, ti bendisyon adda nga kanayonna. Ayan anyamanna no basaen wenno denggenda.

“Ti tiempo ket asidegen ti panakapasamakda.” Ti tiempo ket di asidegen iti napalabas. Ii kinamasirib ken ekonomiya ti Dios daytoy dakkel nga paltiing (Uray pay ammoen ti Dios) ket di umay inggana laeng tatta. Isunga naadaltayo a dagus ti maysa a prinsipiyo - ti paltiing ti Dios iti tumunggal panawen ket umay iti dayta nga panawen laeng, ken iti partikular nga tiempo. Kitaentayo ti pakaistoryaan ti Israel. Ti paltiing ti Dios para ken Moses ket immay iti partikular nga tiempo ti historia, ken lalo pay partikular nagdung-ao dagiti tattao iti Dios. Ni Jesus mismo, immay laeng idi napunno ti tiempona, Isuna ti complete nga paltiing ti Kina-Dios. Ken iti daytoy nga panawen (Laodicean) ti paltiing ti Dios umay iti naituding nga tiempo. Haan nga maabak, haan met masapa ti iyu-umayna. Panunotentayo daytoy ken dumngeg nga usto, ta adda tayo iti kamaudiyanan nga tiempo tatta.

TI PANANGKABLAAW

Paltiing 1:4-6, “Ni Juan para iti pito nga iglesia nga adda idiyay Asia: Ti Parabur adda koma kadakayo, ken talna, aggapu Kenkuana nga Adda ita , adda idi Kalman, ken Umayto; ken aggapu met daytoy kadagiti pito nga espiritu iti sangoanan ti tronona; aggapu pay ken ni Jesu-Cristo, a Mapagtalkan a Saksi, Inauna nga Anak a Nagungar, ken kangatoan kadagiti agtuturay iti lubong. Ay-ayatennatayo ni Jesu-Cristo, ket winayawayaannatayo kadagiti basbasoltayo babaen iti darana, pinagbalinnatayo nga ar-ari ken papadi nga agserbi iti Dios ken Amana; ipaduyakyaktayo ti agnanayon a dayag ken pannakabalinna. Amen.

Ti Sao, Asia, ket talaga nga Asia Minor. Bassit a lugar a kasla kalawa ti Indiana. Dagitoy pito nga iglesia idia ket napili manipud kadagiti dadduma nga iglesia gapu kadagiti kababalinda, masarakan daytoy a kababalin kadagiti sumaruno nga panawen ti iglesia, kalpasan ti adu a tawtawen.

Dagiti pito nga Espiritu iti masangoanan ti trono isu ti Espiritu nga adda iti tumunggal maysa kadagidiyay pito nga mensahero, mangted isuna kadagitoy mensahero iti ministryo para ti panawen nga pagbibiganda.

Tatta amin dagitoy pagsasao nga, “Isuna nga Adda ita,” ken “Isuna Adda idi,” ken “Isuna nga Umay,” ken Mapagtalkan. A Saksi,” ken “Immuna nga Napagungar Kadagiti Natay,” ken Prinsipio dagiti Ar-ari iti Lubong,” ken Alfa ken Omega,” ken Ti Mannakabalin Amin,” amin dagitoy ket titulo ken pangiladladawan iti MAYSA KEN PAREHAS NGA TAO, nga isu ni Apo Jesu-Cristo, nga nang-ugas iti basbasoltayo babaen ti darana a mismo.

Ti Espiritu ti Dios nga adda kenni Juan ket ipakpakitana kenkuana tapnu maammoan ti Kinangato a Dios ni Jesu-Cristo ken tapno malukatan ti Kina-Dios kas MAYSA A DIOS. Tatta adda dakkal nga kamali. Daytoy ket adda tallo nga Dios instead nga maysa. Ti paltiing nga naited ken Juan manipud ken Jesus mismo, korectarena dayta nga kamali. Haan nga adda tallo a Dios no di ket Maysa a Dios nga adda tallo nga opisina. Adda MAYSA a Dios nga adda tallo nga titulona, Ama, Anak, ken Espiritu Santo. Daytoy naindaklan nga paltiing ket adda idi iti immune nga iglesia, ket masapul nga maisubli iti daytoy maudi nga aldaw mainayon pay ti usto a wagas ti panakabautisar ti danum.

Tatta dagitoy modern theologians dida umanamong kaniyak ta kastoy ti nakasurat diyay dakkal nga pagbasaan dagiti Cristyano. “Dayta sursuro (iti Trinidad) isu ti pinakapuso ken tenga iti Daan a Tulag. Imbilangda babassit a kasla pinakapuso ken tenga iti Baro Tulag. Ti Baro a tulag ket kasla met laeng ti Daan a Tulag nga ti panunot ti tao ket ad-adu pay ti Dios haan laeng nga maysa. Ngem ti Baro a Tulag ket adda ti maipada a kalawag ti isurona nga ti Ama ket Dios, ti Anak ket Dios, ken ti Espiritu Santo ket Dios, Ket daytoy tallo ket haan nga tallo nga aspeto ti parehas a tao, ngem tallo a persona a nakatkder iti agpayso a personal nga relasyon iti tumunggal maysa. Daytan ti dakkal nga doctina iti tallo nga persona ngem maysa a Dios.”

Kinunada pay, “Ti Dios, maibasar ti Biblia, haan laeng nga maysa a person, no di ket tallo isuna a tao iti maysa a Dios. Dayta ti dakkal a mysteryo ti Trinidad”.

Daytoy ket agpayso. Kasanu nga tallo a tao ti adda iti maysa a Dios? Haan laeng nga awan iti Biblia para ti daytoy, ngem mangipakpakita a kurang ti kinalaing a panagrason ti tao. Tallo a nagsasabali a persona, uray no agpaparehas nga banag, maaramid nga tallo a Dios, wenna panagsao ket napukawen ti amin a kayatna a saoen.

Denggento dagitoy sasao manen, “Siak ti Alfa ken Omega, Ti Pagrugian ken ti Kamaudyanan, kuna ti Apo, Isu ita, ken Isu Idi, ken Isu ti Umay, ti Manna-kabalin”. Daytoy ti Kina-Dios. Daytoy ket haan laeng nga propeta, haan la a tao. Daytoy ti Dios. Ket haan nga paltiing iti tallo a Dios, ngem Dios a maymaysa, ti Mannakabalin amin.

Dida nga mamati iti tallo a Dios ti iglesia idi nagrugida. Dima mabirukan dayta a klase ti pammati kadagidyay apostoles. Idi nalpas ti panawen ti apostoles nga daytoy a teorya ket simrek ken talaga a nagbalin nga isyu ken cardinal nga doctina diyay Nicene Council. Ti doctrine ti Kina-Dios ket nangited ti dua nga wagas ti panakagedua diyay Nicea. Ket manipud idi panagsina ket immay ti dua a extremes. Ti maysa ket mamati iti adu a Dios, mamatida ti tallo a Dios, ken ti dadduma mamatida ti maymaysa a Dios. Siyempre dayta ket apagbassit nga immay, ngem napasamak daytoy, ket adda kadatayo tattan nga al-aldaw. Ngem ti Paltiing a naited kenni Juan babaen ti Spiritu para kadagiti adu nga iglesia idi ket, “Siak ni Apo Jesu-Cristo, ken Siak ti AMIN aminen. Awanen ti sabali a Dios”. Ket Isuna kinargaanna ti selyo maipapan iti daytoy a Paltiing.

Anamungam daytoy: Siasino ti Ama ni Jesus? San Mateo 1:18 kunana, “Naammoan a masakogen ni Maria babaen iti pannakabalin ti Espiritu Santo”. Ngem ni Jesus mismo, ket imbagana nga ti Dios ket isu ti Amana. Dios Ama ken Dios Spiritu Santo, kas kanayontayo a naibagbaga, maaramid nga ti Ama ken ti Spiritu ket maymaysa. Agpayso dayta, no haan di dua ti Ama ni Jesus. Ket ammoentayo nga ni Jesus kunana nga isuna ken ti Ama ket maymaysa- haan a dua. Mangipakita a maymaysa ti Dios.

Gapu daytoy mapaneknekan babaen iti pagbasaan ti napalabas ken ti Kasuratan, dagiti tattao ket matikawda no naggapuanna ti tallo a sursuro. Nagbalin daytoy a pundasyon a doktrina idiyay Nicene Council idi 325 A.D. Daytoy Trinidad (agpaypayso nga awan basaranna iti kasuratan) naibasar idi iti adu a dios ti Roma. Dagiti Romano ket adu ti dios a pagkarkararaganda. Agkararagda pay kadagiti panguloenda idi a kas mangibabaet. Daytoy ket mangiturong tapnu dagiti baro a nagan dagiti daan a diosda, isunga adda dagiti sasanto tapnu aramidenda daytoy a mas Biblikal pay. Isunga, embes nga Jupeter, Venice, Mars, ken dadduma pay., addaen ni Pablo, Pedro, Fatima, Christopher, ken dadduma pay., dadduma pay. Haanda nga maaramidan ti pagano a relihiyonda ket maymaysa a Dios, isunga ti Dios ket pinagbalinda nga tallo, ket nagaramidda ti sasanto a mangibabaet kas inaramidda a dagiti panguloenda ket mangibabaetda met.

Manipud idin dagiti tattao ket dida maammoan nga adda laeng ti maymaysa a Dios nga adda ti tallo nga opisina wenno panagpakitana. Ammoda nga adda maysa a Dios maigapu iti Kasuratan, ngem pinadasda ti nakaskasdaaw a teorya nga ti Dios ket kasla maysa a sapad ti ubas; tallo nga persona nga adda parehas a kina-Diosda nga agpadapada amin. Ngem nalawag ti kunkunana ditoy Apocalypses a ni Jesus ket “Isu Tatta”, “Isu Idi”, ken Isu ti Umay”. Isuna ti “Alfa ken Omega”, kayatna a saoen Isuna ti “A inggana Z” wenno Isuna ti Amin Amin. Isuna ti Amin- ti Mannakabalin amin. Isuna ti Rosas ti Sharon, ti Lily of the Valley, ti Naraniag ken Agsapa nga Bituin, ti Nalinteg nga Sanga, ti Ama, ti Anak. Ken ti Spiritu Santo. Isuna ti Dios, ti Mannakabalin amin a Dios. Maymaysa a Dios.

1 Timoteo 3:16 kunana, “Ket awan ti contrabersiya anian a nagdakkal ti palimed ti kinasanto: Ti Dios ket naipaltiing iti lasag a tao, pinaneknekan ti Espiritu ti kinalintegna, ket nakita dagiti anghel, naikaskasaba kadagiti Hentiles, pinati dagiti tattao iti entero a lubong, ket nayuli sadi langit”. Dayta ti kinuna ti Biblia. Awan ti imbagana maipapan ti umuna wenno maikadua wenno maikatlo a persona ditoy. Ti kinuna ket ti Dios naiparang iti bagi a tao. Maymaysa a Dios. Ti Maymaysa a Dios ket naiparang iti bagi a tao. Dayta koma ket ayusen awan ti problema. Ti Dios ket immay iti porma a tao. Haanna nga inaramid nga sabali a Dios. Isuna idi ti Dios. Isu metlaeng a Dios. Maysa a naipaltiing idi, ken maysa a maipaltiing tatta. Maymaysa a Dios.

Agsubli tayo iti Biblia ket kitaentayo no anya Isuna idi punganay maigapu iti paltiing nga intedna mismo. Ti naindaklan a Jehovah nagpakita ti Israelita iti adigi nga apoy. Kas maysa nga Anghel ti katulagan nakipagteng isuna iti adigi nga apoy ket indaolona ida ti inaldaw. Idyay templo inpakaammona ti Iyuumayna a kaduana ti naindaklan nga ulep. Kalpasanna maysa nga aldaw naammoantayo nga naiyanak Isuna iti virhin ti bagi a naisagana para kenkuana. Ti Dios nga nagtaeng iti ngato ti tolda ti Israelita tatta nangala Isuna ti tolda iti bagi ket nakipagtaeng a kas tao kadagiti adu a tattao. Ngem Isuna met laeng ti Dios.

Ti Bblia isursurona nga ti Dios ket adda ken Cristo. Ti Bagi ket ni Jesus. Agtataeng

kenkuana ti amin a kina-Dios, iti Bagina. Awanen ti mas nalawlawag ngem dayta. Mysteryo, owen. Ngem ti agdadata nga kinapudno-- di mabalin nga nalawlawag. No ngarud haan nga tallo a tao Isuna idi, Di mabalin nga tallo tatta. Maymaysa ti Dios: Ket Isuna nga Dios ket nagbalin nga tao.

Kinuna ni Jesus, "Naggapuak ti Dios ken adgsubliak ti Dios". San Juan 16:27-28. Dayta ti talaga nga napasamak. Nagpukaw Isuna ditoy daga babaen ti panakatayna, panakaitanemna, panagungarna, ken ti panakaipangatona sadi langit. Idin ni Pablo nagparang Isuna idyay dalan a mapan dyay Damascus ket nagsao ken Pablo ket kinunana, "Saulo, Saulo, apay nga parparigatennak?" Ni Pablo kinuna, "Siasino ka Apo? Kinuna, "Siak ni Jesus." Isuna idi ti adigi ti apoy, ti makabulag nga silaw. Isuna ket nagsubli, a kas naibagana a mapasamak. Nagsubli Isuna iti dati nga kasasaadna sakbay nga nakipagtaeng a kas tao. Dayta ti exacto nga nakita ni Juan. San Juan 1:18 "Awan ti tao a nakakita ti Dios uray anya oras; Ti laeng bugbugtong nga anak, nga adda iti saklot ti Ama, Impakaammona Isuna". Pansinentayo tay kuna ni Juan a ni Jesus Ket. Adda iti UNEG ti saklot ti Ama.

San Lucas 2:11 kunana, "Naipasngay kadakayo tatta nga aldaw ditoy ili ni David ti mangisalakan, Nga isu ni Cristo nga Apo". Naipasngay nga isu ti Cristo, kalpasan ti walo nga aldaw ket nakugit naawagan ti nagan a Jesus, a kas kinuna met laeng ti anghel kadaida. Naiyanakak a Branham. Idi naipasngyak innikkandak ti nagan a William. Isuna ket CRISTO ngem naikkan ditoy daga ti nagan kadagiti ti tattao. Ti akinruar nga bagina dagiti tattao inawaganda isuna a Jesus. Isuna ti Dios dyay langit, ti Mannakabalin amin nagparang iti bagi. Isuna ti Dios Ama, ti Anak, ken ti Spiritu Santo. Isuna amin dayta.

Ti Ama, Anak, ken ti Espiritu Santo ket titulo aleng. Haan daida a nagan. Dayta ti gapuna no apay nga abautisar tayo iti Nagan ni Apo Jesu-Cristo, ta dayta ti nagan, haan a titulo. Isu ti nagan dagidiyay titulo, kasla iti maiyanak nga ubing isu ket anak ken mapanaganan isuna. Ubing isuna nga talaga, anak ti titulona, kert panaganam isuna, John Henry Brown. Haan ka laeng nga agbautisar ti "Jesus a nagan." Adu-adu nga ribo ti Jesuses iti lubong idi sakbay pay nga adda ni Jesus, nga Mangisalakantayo. Ngen adda laeng maysa kadakuada nga naiyanak nga Cristo, "Apo Jesu-Cristo."

Ti tattao ibagbagada nga ni Jesus ket ti Awan pagpatingganna nga Anak ti Dios. Tatta haan aya nga maisupadi dayta? Siasino ti nakanggeg nga ti "Anak" ket awan ti patinggana? Dagiti Anak ket adda nagrugianda, ngem ti isu nga awan patinggana ket awan ti nagrugianna. Isuna ti Awan Patinggana a Dios (Jehovah) nagbalin a naipakita iti bagi.

Iti Evangelio ni San Juan kinuna, "Idi punganay adda ti Sao, ket ti Sao adda iti Dios, ket ti Sao isu ti Dios." "Ken ti Sao nagbalin nga bagi, ket nakipagtaeng kadatayo." Isuna idi ti Usto ken Mapagtalkan nga saksi para iti awan patinggana nga Sao ti Ama. Isuna maysa pay a Propeta ken ibagana no anya ti kunaen ti Ama kenkuana. Kinuna ni Jesus, "ti Ama adda iti unegko." Dayta ti kuna ni Jesus a tabrnakulo, "Ti Ama ket adda iti unegko."

Ti Dios Adu ti titulona: "Isuna ti Kinalintegtayo," ken "Isuna ti Kapiyatayo," ken "Kankanayon," ken "Ama," ken "Anak," ken "Espiritu Santo"; ngem adda laeng ti maysa a naipanagan kenkuana a kas tao dayta ket ni Jesus.

Di ka koma maulaw gaputa isuna adda tallo nga opisina wenno Isuna ket adda maikatlo nga panakaipakaammona. Ditoy daga Isuna maysa a Propeta; Idiay langit Isuna maysa a

Padi; Ket ti panagsublina ditoy lubong, Isuna ti Ari dagiti Ar-ari. "Isuna adda Idi" - Dayta ni Jesus ti Propeta. "Isuna Adda Ita" - Isuna dayta, ti Kangatoan a Padi, a mangibabaet - Maysa a pangkamangan no tiempo ti kinakapoytayo. "Isuna ti Umay" - Isuna ti Paumay nga Ari. Ditoy lubong Isuna ti Sao - ti Propeta. Ni Moses nukunana maipapan Kenkuana, "Ti Apo nga Diosyo mangibaonto ti Propeta a kas kaniyak, ken iti tiempo nga dida denggen dagiti sao dayta a Propeta ket mapapatay kadagiti tattao."

Kitaenyo daytoy kinapudno maipapan ken Jesus. Iti lubong Isuna ti Propeta, ti Kordero, ken Anak. Daytoy di maaramid nga tallo Isuna. Dagitoy ket panakaipakita laeng wenno opisina laeng iti Maysa a Tao, a ni Jesus.

Tatta adda paborito launay a parti a Naisurat dagiti mamati ti tallo a Dios nga mangpaneknek iti puntosda nga di laeng maysa ti Persona iti Kina-Dios. Isu ti Paltiing 5:6-8, "Kalpasanna, nakitak ti maysa a Kordero nga agtaktakder iti tengnga ti trono a linikmut dagiti uppat a sibibiag a parsua ken dagiti panglakayen. Kasla napapatay ti Kordero. Pito ti sarana ken addaan iti pito a mata nga isu dagiti pito nga espiritu ti Dios nga imbaonna iti entero a lubong. Napanna innala ti pagbasaan iti makannawan nga ima ti nakatugaw iti trono. Bayat ti panangalana, nagruknoy dagiti uppat a sibibiag a parsua ken dagiti duapulo ket uppat a panglakayen iti sangoanan ti Kordero. Adda arpa ti tunggal maysa ken balitok a malukong a napno iti insenso nga isu dagiti karkararag dagiti sasanto ti Dios." Agpayso dagitoy nga versekolo, no naisina, kasla nga mangpaneknek ti puntosda. Kitaenyo, Kinunak, dagitoy NAISIN-SINA nga versekolo. Uray pay no kasta, basaentayo ti Paltiing 4:2-3 ken 9-11, "Pagammoan, addaak iti pannakabalin ti Espiritu ket nakitak sadi langit ti maysa a trono, ken adda MAYSA a nakatugaw iti trono. Ken Isuna a nakatugaw idi kumita ti rupana a kas iti haspe ken kas iti sardine a bato: iti lawlaw ti trono, adda bullalayaw a naraniag a kas iti Esmeralda." "Ket idi dagiti uppat a sibibiag a parsua dagiti kanta ti dayag, pagdayaw ken pagyaman iti situtugaw iti trono nga agbiag nga agnanayon nga awan inggana. Bayat ti panagkantada, agrukbab dagiti duapulo ket uppat a panglakayen iti sangoanan ti trono ket agdaydayawda iti situtugaw sadiay, isu nga agbiag iti agnanayon nga awan inggana. Ipuruakda ti koronada iti sangoanan ti trono sada kuna, madaydayaw ka, O Apo, Maikarika nga umawat iti dayag, dayaw ken pannakabalin: ta pinarsuam dagiti amin a bambanag, ken iti pagayatam isuda tatta ken naparsuada." Kitaen nga usto iti versekolo 2 kunana, "MAYSA" (haan nga dua wenno tallo, MAYSA laeng) ti nakatugaw iti trono. Iti versekolo 3 kunana, "ISUNA" (haan nga ISUDA) idi kumita ti rupana a kas iti haspe a bato. Iti versekolo 9 kunana nga dagiti sibibiag a parsua intedda ti dayaw ken "ISUNA" (haan nga ISUDA). Iti versekolo 10 nakunana nga nagsangitda, "Madaydayaw ka, O APO" (haan nga adu a APO). Kasta met iti versekolo 11 kunana adda MAYSA iti trono nga isu "Nangparsua," Nga isu ni Jesus (San Juan 1:3), Nga isu ni Jehovah-Espiritu-Dios iti Daan a Tulag (Genesis 1:1).

Ngem di tayo agpatingga idiy. Basaentayo tatta iti Paltiing 3:21, "Ti agballigi, ikkakto iti kalinteganga nga agtugaw iti dennak iti tronok, kas kaniak a nagballigi, ket ita, agtugtugawak iti abay ni Amak iti tronona." Basaentayo pay ti Hebreo 12:2, "Ditay isinsina ti matatayo ken ni Jesus a pangulo ken mangpunno iti pammati. Saan a naupay ni Jesus gapu iti krus. Ngem gapu iti rag-o nga agur-uray kenkuana, dina pinampanunot ti pannakaibabain iti ipapatay iti krus. Adda itan a situtugaw iti makannawan ti trono ti Dios." Pansenentayo a, ni Jesus mismo, Isuna nga nangited ti Paltiing, Isuna ket nakitugaw ti Ama. Ti Espiritu nga adda ken ni Pablo (Nga isu ti Espiritu ni Cristo, ta dayta ti Espiritu ti padto nga umayan ti Sao) kunana Isuna nakatugaw iti MAKANAWAN ti Dios. Ngem idi ni Juan timmaliaw nakitana ti "MAYSA" laeng nga adda ti trono. Ken daytoy haan inggana ti Paltiing 5:6-8 (nga simmaruno ti Paltiing 4:2-3

iti panagsasaruno ti tiempo) nga makitatayo ti “Koredero” alaenna ti libro iti “KENKUANA” a nakatugaw ti trono, kas naiabaga ti Paltiing 4:2-3 ken 9-10. Anya dayta? Isu iti misterio ti “DIOS A MAYMAYSA.” Isuna “ni Jesus” nagapu iti uneg ti Dios, naipakaammo a nagbalin a bagi, natay ken nagungar manen, ken nagsubli iti uneg a “saklot ti Ama.” Kas kuna ni Juan, “Ti bugbugtong nga Anak, Nga adda iti “UNEG” ti saklot ti Ama, Isuna ti nangipakaammo KENKUANA,” San Juan 1:8. Tiempona ngaruden nga ti Dios (Mesias) agsubli nga alaenna ti Nobiyana ken kalpasanna iparangna mismo (ipakaammona no siasino Isuna mismo) ti Israel. Isunga nakitatayo ti Dios manen agturong tapno adda iti pisikal nga relasyonna iti tao kas “Anak ni David, Ari dagiti Ar-ari ken Apo dagiti adu nga Apo, ken Nobiyon iti Gentile a Nobiya.” Isu HAAN nga “Dua” a Dios, nodi ket MAYSA A DIOS laeng nga magipakpakita iti Panakabalin ti tallo nga opisina ken titulona.

Dagiti tattao ammoda nga Isuna ket Propeta. Ammoda ti pagilasinan iti Mesiyas nga umay babaen laeng ti propeta. San Juan 1:44-51, “Taga-Betsaida ni Felipe, iti ili da Andres ken Pedro. Nasarakan ni Felipe ni Natanael ket kinunana kenkuana, Nasapulanmi ti tao a sinarita ni Moises iti libro ti Linteg, ken dagiti Propeta. Isu ni Jesus a taga-Nazaret nga anak ni Jose.” Adda aya naimbag a tumaud idiy Nazaret? sinaludsod ni Natanael. Umaymo kitaen,” insungbat ni Felipe. Idi makita ni Jesus nga agturong ni Natanael iti ayanna, kinunana maipapan kenkuana, Adtoy ti pudno nga Israelita. Awan kenkuana ti aniaman a kinaulbod. Kasano ti pannakaam-ammom kaniak? sinaludsod ni Natanael. Nakitaka idi addaka iti sirok ti kayo nga igos, sakbay nga inayabannaka ni Felipe, insungbat ni Jesus. Maestro, insungbat ni Natanael. Sika ti Anak ti Dios! Sika ti Ari ti Israel! Mamatika kadi gapu ta kinunak a nakitaka iti sirok ti kayo nga igos? kinuna ni Jesus. Makitamto dagiti daddadakkel pay a bambanag ngem daytoy! Ket kinunana kadakuada, Ibagak kadakayo ti pudno: makitayonto nga aglukat ti langit ken dagiti anghales ti Dios nga umuli-umulog iti ayan ti Anak ti Tao.” Ti kabaelan nga mangammo ti kapanpanutan ti puso iti tao ket mangaramid kadagiti pinili ti Dios a mangammo nga immayen ti Mesiyas, ti naanointaran nga Sao Ti Dios. Hebreo 4:12, “Sibibiag ken nasamay ti sao ti Dios. Natadtadem ngem ti uray ania a kampilan nga agsumbangir ti tademna. Kabaelanna a salputen ti pagsabatan ti kararua ken ti espiritu, ti nagsusuopan ti tulang ken pata. Ukomenna dagiti tarigagay ken pampanunot ti tao.”

Idi nangeg ti babai ni Jesus idiy bubon nga maammoanna ti panpanunot ti pusona nakunana nga Isuna ket maysa a propeta, maigapu ta ti Mesias ket maipakaammo iti dakkel nga kabaelanna. San Juan 4:7-26, “Dimteng ti maysa a Samaritana tapno sumakdo, ket kinuna ni Jesus kenkuana, Makiinumak man. (Napan gimatang idi dagiti adalanna iti kanenda idiy ili). Ania? kinuna ti babai. Maysaka a Judio, ket makiinumka kaniak a Samaritana? Ta saan nga ugali dagiti Judio ti makilangenlangen kadagiti Samaritano. No ammom la koma ti sagut nga ited ti Dios ken no siasino ti dumawdawat kenka iti inumen, dumawatka koma kenkuana ket ikkannaka iti nabiag a danum, insungbat ni Jesus. Apo, kinuna ti babai, nauneg ti bubon ket awan met ti pagsakdum. Pangalaam ngarud iti nabiag a danum? Inted kadakami ni Jacob a kapuonantayo daytoy a bubon. Nagin-inumanna daytoy a bubon agraman dagiti annak ken tarakenna. Dakdakkelta kadi ngem ni Jacob? Siasinoman nga uminum iti daytoy a danum, mawawto manen, kinuna ni Jesus, ngem ti uminum iti danum nga itedko, saanton a mawaw. Ta ti danum nga itedko agbalinto nga ubbog iti unegna a mangted kenkuana iti nabiag a danum ken biag nga agnanayon. Apo, kinuna ti babai, itedmo kaniak daytoy a danum tapno diakton mawaw weno umay sumakdo ditoy. Inka ayaban ti asawam saka agsubli ditoy, kinuna ni Jesus. Awan asawak, kinuna ti babai. Agpayso ta kunam nga awan asawam, kinuna ni Jesus. Naminlimakan a nakiasawa, ket saanmo nga asawa ti lalaki a kabbalaymo ita. Pudno ti imbagam kaniak.

Apo, kinuna ti babai, mabigbigko a propetaka. Ditoy a bantay ti nagdaydayawan dagidi kapuonanmi iti Dios. Ngem dakayo a Judio kunayo nga idiay Jerusalem ti rumbeng a pagdaydayawan. Babai, kinuna ni Jesus, patiem ti kunak nga umayto ti tiempo a saan a ditoy a bantay wenno idiay Jerusalem ti pagdaydayawan iti Ama. Dakayo a Samaritano, diyo ammo no siasino ti daydayawenyo. Dakami, ammomi ti daydayawenmi ta aggapu kadagiti Judio ti pannakaisalakan. Ngem umasideg ti tiempo, ket dimtengen, a dagiti napaypayso nga agdaydayaw, daydayawendanto ti Ama iti Espiritu ken kinapudno. Ta dagiti kakasta ti sapsapulen ti Ama nga agdayaw kenkuana. Ti Dios ket Espiritu. Ngarud, dagiti agdaydayaw kenkuana masapul nga agdaydayawda iti Espiritu ken kinapudno. Kinuna kenkuana ti babai, Ammok nga umayto ti Mesias a maawagan iti Cristo. Inton umay, ibagananto dagiti amin a bambanag. Siak dayta, insungbat ni Jesus. Wen, siak a makisasao kenka.”

Idiay Paltiing 15:3 kunana, “Ket kankantaenda ti kanta ni Moises nga adipen ti Dios, ken ti kanta ti KORDERO, a kunana, Natan-ok ken nakaskasdaaw dagiti aramidmo, Apo Dios a Mannakabalin-amin; Nalinteg ken napudno dagiti dalanmo, Arika dagiti Sasanto.” Makitayo kadi? Ti KORDERO, ti Kangatoan a Padi igen-eggenna ti darana a kas datonna iti kalub ti kaasi para iti basbasoltayo ket Isu ni Apo Dios a mannakabalin-amin. Dayta ti madama nga opisina. Dayta ti ar-aramidenna tatta, mangsarsarapa ti Darana para kadagiti basbasoltayo. Ngem ton maysa nga aldaw dayta nga Kordero ket mapagbalin nga Leon iti Tribo iti Judah. Isuna ket rumwar iti kinabeleg ken dayagna ken alaenna ti Kinatan-okna tapno agturay kas Ari. Isuna ti paumay nga Ari ti lubong. Siyempre, haanna nga kayat a saoen a di Ari tatta. Ta Isuna ti Ari tayo, Ari dagiti Sasanto. Tatta a madama isu ti naispirituan a pagarian. Haan nga daytoy systema ti lubong nga agdama ti iturayanna a kas met kadatayo di tayo a taga ditoy lubong. Dayta ti gapuna no apay nga naisabali ti garawtayo iti lubong. Datayo ket umili idiay langit. Iadladawantayo ti Espiritu iti lubong iti panakaiyanaktayo manen nga ni Jesus ti Ari. Dayta ti gapuna no apay a dagiti babaitayo ket dida agbado ti bado ti lalaki wenno dida agpapakis wenno dida agusar ti adu a pangpapintas ken dadduma pay a banbanag nga ti lubong a kaykayatda launay. Dayta ti gapuna no apay a datayo nga lalaki ket di aginom ti arak ken di agsigarilio ken di agtultuloy iti basol. Ti pagariantayo ket mangpamek iti basol ket maipatungpal babaen ti panakabalin iti Espiritu ni Cristo Nga agtaeng iti unegtayo. Amin nga pagarian ditoy lubong ket marbadanto, ngem ti pagariantayo ket agtultuloy.

Tatta ti nagtungtungtungantayo ket maipapan kadagiti opisina ken panakaipakita iti maysa a pudno a Dios ken panakaiparang ti Dayagna iti maysa a panagadal iti Sao. Ngem Isuna haan nga maammoan babaen ti kinasirib. Isuna ket maammoan babaen ti Naispirituan; babaen ti Naispirituan nga paltiing. Isu laeng a Maysa a naammoan kas Jesus maiyannurot ti bagi a nagsubli iti adigi nga apoy. Ngem Inkarina nga umay manen ken agtaeng kadagiti Tattaona babaen ti Espiritu. Ket idi aldaw ti Pentecostes dayta adigi ti apoy bimaba ket inwarasna isuna iti pagsasao ti apoy iti tumunggal maysa kadakuada. Anya ti ar-aramiden ti Dios? Iwarwarasna Isuna iti uneg ti iglesia, inikkanna dagidiay tattaona a lallaki ken babai ti parti ti Sarilina. Gineduana ti Sarilina para ti Iglesiana a kas kunana nga aramidenna. San Juan 14:16-23, “Agdawataкто iti Ama ket ikkannakayto iti sabali a Mammagbaga nga agtaeng kadakayo iti agnanayon. Isu ti Espiritu a mangipakaammo iti kinapudno maipapan iti Dios. Saan a mabalin nga awaten ti lubong daytoy nga Espiritu, agsipud ta saanna a makita wenno am-ammo. Ngem am-ammoyo, ta agtaeng kadakayo ket adda kadakayo. Inton pumanawak, saankayto a panawan a kasla ulila. Agsubliakto met laeng kadakayo. Bassit laengen a tiempo ket dinakto makitan ti lubong, ngem dakayo, makitadakto. Ket gapu ta agbiagak, agbiagakayto met. Inton dumteng dayta nga aldaw, maammoanyonto nga addaak ken ni Amak, ket addakayo met kaniak, kas iti kaaddak kadakayo.

Ti umawat ken mangtungpal kadagiti bilbilinko, isu ti agayat kaniak. Ti agayat kaniak, ayatento ni Amak; ayatekto met ken agparangakto kenkuana.

Kinuna ni Judas saan a ni Judas Iscariote, Apo, apay nga agparangka kadakami a saan ket nga iti lubong? Ti agayat kaniak, tungpalennanto dagiti Saok, insungbat ni Jesus. Ayatento ni Amak, ket siak ken ti Ama umaykamto agtaeng kenkuana.” Kinunana nga agkararag ti Ama nga mangibaon ti sabali nga Mangliliwa a KADUADA (dagiti adalan) ngaruden ngem HAAN nga iti UNEGDA. Daya ni Cristo. Kalpasan ti bersikulo 23, agsasao isuna iti Sarilina ken ti Ama, kinunana DAKAMI ket umay. Daya-en, “Umayen ti Espiritu, ti Isu met laeng nga Espiritu ti Dios nga naipakaammo kas ti Ama ken kas Anak, ken maipakaammo pay iti adu” - MAYSA A DIOS Nga isu ti Espiritu.

Daya ti gapuna no apay nga awanti tao nga umay ket kunaenna ti santo a tao isu ti santo papa wenna ti santo a tao isu ti obispo wenna ti padi. Ti SANTO A TAO isu ni Cristo, Ti Santo nga Espiritu, iti uneg tayo. Kasano nga ibagan dagiti nangato ti positionda nga dagiti ordinario a tao ket awan ti makunana? Tumunggal maysa adda banag a makunana. Tumunggal maysa adda trabahona, tumunggal maysa adda ministeriona. Ti Espiritu Santo immay iti Pentecostes ket inwarasna ti Sarilina iti tumunggal maysa, tapnu matungpal tik una ni Cristo, “Iti daya nga aldaw maammoanyo nga addaak ti uneg ti Ama, ken dakayo met adda iti Unegko, ken Siak addaak iti Unegyo.” San Juan 14:20.

Ti Naindaklan nga Siak, ti Manakabalin-amin a Dios, ket immay nga nangpunno ti agpayso nga Iglesiasiana. Isuna maipatungpalna ti anyaman a kayatna uray sadinoman, ken iti siasinoman a Kayatna. Di tayo agpartuad ti siasino a “Sasanto a Tattao” iti nagtitingngaantayo, no di ket ti buo nga pudno a kongregasyon iti Apo ket nasantoan, maigapu ti kinaadda ti Santo nga Espiritu. Isuna mismo, ti Santo nga Espiritu, daya ti nasantoan, haan nga ti kongregasyon nga agmaymaysa laeng.

Tatta daya isu ti panakaipaka-ammo: ni Jesu-Cristo isu Dios. Ti Jehovah ti Daan a Tulag isu ti Jesus iti Baro a Tulag. Uray kasano ti rigatmo a mangpadas, dimo mapaneknekan nga adda TALLO a Dios. Ngem kasapulan met ti paltiing ti Santo nga Espiritu a mangtulung tapno maawatam ti kinapudno nga Isu ket Maysa laeng. Kasapulan ti paltiing nga talaga tapnu makitatayo nga ni Jehovah iti Daan a Tulag ket Isu ni Jesus iti Baro a Tulag. Ni Satanas simrek iti iglesia ket binulagna dagiti tattao iti daytoy a kinapudno. Haan nga nagbayag inggana nga ti Simbaan ti Roma ket insardengda nga agbautisar iti Nagan ni Apo Jesu-Cristo iti panakaitaneb iti danum.

Admitarek nga kasapulan a talaga ti usto a paltiing magapu ti Santo nga Espiritu tapno makita ti pudno maipapan iti Kina-Dios kadagitoy nga al-aldaw kangrunaanna ta addatayo iti nagtitingngaan iti di umiso nga panangipatarus iti Kasuratan. Ngem ti agballigi, ti mangababak nga iglesia ket nabangon iti paltiing isunga expectarentayo ti Dios ipakaammona ti Pudno kadatayo. Kasta met, haanmo nga kasapulan a talaga ti paltiing iti panakabautisar ti danum. Adda dita a kumutkita kenka iti rupam. Mabalina ngata iti maysa a minuto a dagiti Apostoles ket mapukawda iti derekta nga bilin iti Apo nga agbautisarda iti Nagan iti Ama ken ti Anak ken ti Santo Espiritu ket masarakantayo a tarigagayda a di agtungpal? Ammoda no anya ti Naganna, ket awan iti uray maysa a lugar iti Biblia nga nagbautisarda iti naiduma malaksid laeng iti Nagan ni Apo Jesu-Cristo. Common sense ti mangibaga ti Libro Dagiti Aramid ket isu ti iglesia a sibibiag, ket no nagbautisarda iti kasta, ket daya ngarud ti wagas ti panagbautisar. Tatta no kunayo nga nadagsen daya, anya ti makunayo iti daytoy? Ti Siasinoman nga di nabautisaran iti Nagan ni Apo Jesu-Cristo ket kasapulan nga

mabautisaran manen.

Dagiti Aramid 19:1-6, “Bayat ti kaadda ni Apolos idia y Corinto, dinaliasat met ni Pablo dagiti nasekse a lugar ti probinsia. Idi dumteng idia y Efeso, nasarakanna ti sumagmamano nga adalan. Inawatyo kadin ti Espiritu Santo idi nagbalinkayo a mamati? sinaludsodna kadakuada. Saan, insungbatda. Dimi pay nangnangngeg nga adda Espiritu Santo. Kinuna ni Pablo, Ania ngarud a kita ti bautisar ti inawatyo? Ti panagbautisar ni Juan,” insungbatda. Kinuna ni Pablo, Ti panagbautisar ni Juan maipaay kadagiti agbabawi kadagiti basolda. Imbaga ni Juan kadagiti tattao a masapul a patienda ti sumaruno kenkuana nga isu ni Jesus. Idi nangngegda daytoy, nagpautisarda iti nagan ni Apo Jesus. Impatay ni Pablo ti imana kadakuada, ket bimmaba ti Espiritu Santo kadakuada. Nagsaoda iti nadumaduma a pagsasao ket impakaammoda met ti sao ti Dios.” Dayta ngaruden. Dagitoy nasingpet a tattao ti Efeso nangeganda maipapan ti umay nga Mesiyas. Ni Juan inkasabana ni Jesus. Isuda nabautisaran iti panagbabawi iti basbasolda, kumitada ti MASANGOANAN iti panamati kenni Jesus. Ngem tatta tiempona nga kumita ken Jesus iti NAPALABAS ket pabautisaran iti PANAGBABAWI kadagiti basoltayo. Tiempona-en nga awatentayo ti Santo nga Espiritu. Ket idi nabautisaranda iti Nagan ni Apo Jesu-Cristo, ni apostol Pablo inpatayna dagiti Imana kadakuada ket ti Espiritu immay kadakuada.

Oh, dagidiay ay-ayaten nga tattao idia y Efeso ket nasasayaatda a tattao; ket no siasinoman nga agkuna a mayat ti kasasaadda, ket isuda. Pansinentayo ti kaadayo ti naggapuanda. Naggapuda iti adayo inggana nga acceptarenda ti umay nga Mesiyas. Nakasaganada para ken Jesus. Ngem makitayo kadi uray pay no kasta ti kasasaadda isuada dida Naammoan Isuna. Ni Jesus immay ken napanen. Kasapulanda nga mabautisaran iti Nagan ni Apo Jesu-Cristo. Kasapulanda nga mapunno iti Santo nga Espiritu.

No nabautisaranka iti panakaitaneb ti danum iti Nagan ni Apo Jesu-Cristo, ti Dios ket punuennaka iti Espirituna. Dayta isu ti Sao. Dagiti Aramid 19:6 nga nabasatayo, isu iti panangitungpal ti Dagiti Aramid 2:38, “Kinuna kadakuada ni Pedro, “Agbabawikayo kadagiti basbasolyo. Pabautisarankayo iti nagan ni Jesu-Cristo tapno mapakawan dagiti basbasolyo ket awatenyonto ti sagut ti Espiritu Santo.” Kitaenyo, ni Pablo, babaen ti Santo nga Espiritu, imbaga na pada no anya ti imbaga ni Pedro babaen iti Santo nga Espiritu. Ket no anya ti naibaga ket HAAN nga mabaliwan. Kasapulan nga pada met laeng manipud idia y Pestecostes inggana ti maudi a napili ket mabautisaran a kas kadatayo nga immuna. Taga-Galacia 1:8, “Ngem uray no dakami wenno maysa nga anghel nga aggapu sadi langit ti mangikasaba kadakayo iti ebanghelio a maisupadi iti inkasabamin kadakayo, mailunod isuna koma.”

Tatta sumagmamano kadakayo Oneness agbautisarkayo di umiso. Agabautisarkayo para iti panagbalbaliw a kas panakaisalakan no maitanebkayo iti danum. Ti panagbalbaliw ti haan nga umay babaen iti danum; isu ti trabaho ti Espiritu. Ti tao nga binagaan ti Espiritu ket nangted ti bilin, “Agbabawikayo, ken pabautisaran ti tumunggal maysa kadakayo iti Nagan ni Apo Jesus,” di na imbaga ngav ti danum mangbalbaliw. Isuna kinunana daytoy laeng ket ebidensya iti “mayat a konsensia iti sango ti Dios.” Dayta aminen. 1 Pedro 3:21, “Mayasping daytoy a danum iti bautisar a makaisalakan ita kadakayo (Saan a babaen iti pannakaugas ti rugit ti bagi, no di ket iti panagkari iti Dios babaen iti nadalus a konsensia ti sango ti Dios,) babaen ti panagungar ni Jesu-Cristo.” Mamatiak iti daytoy.

No siasinoman nga di umiso ti panakaawatna dayta napalabas nga pagbasaan ket

paneknekanna ti panagbautisar ti danum iti sabali a wagas malaksid iti Nagan ni Apo Jesu-Cristo, ibalakadko kadakayo nga basaen ti napalpalabas a pagbasaan ket masarakam dayta para kenka. Ti sumaruno isu ti agpayso a record iti panagbautisar a napasamak diay ili ti Roma, A.D. 100, ket naidubli nga naisurat iti *Time Magazine*, Disyembre 5, 1955. "Ti diakono inggana ti imana, ket ni Publius Decius simrek iti ruangan ti pagbautisaran. Nakatakder inggana ti siketna iti pool ni Marcus Vasca nga aglaklako ti kayakoy. Nakaisem isuna idi bumalballasiw ni Publius nga umay iti pool iti abayna. 'Credis?' sinaludsudna. 'Credo,' kinuna ni Publius. 'Mamatiak nga ti panakaisalakanko magapu ken Jesus ti Cristo, Isuna nga nailansa iti babaen ni Poncio Pilato. Ken Jesus matayak tapno Kenkuana maadaanak ti Biag nga Awan Patinggana.' Kalpasanna nariknana ti napigsa nga ima a timmulong kenkuan idi matungbaen a palikod iti pool (pagbautisaran), ken nanggegna ti boses ni Marcus iti lapayagna - 'Bautisaranka iti Nagan ni Apo Jesus' - inggana nga ti danum ket nilapuyusna isuna."

Inggana nga ti kinapudno ket napukaw (ken haan nga naisubli inggana iti daytoy maudi panpanawen - daytoy ket manipud idi Nicea inggana tatta a ginasutgasuten a tawen ti napalabas) nagbautisarda iti Nagan ni Apo Jesu-Cristo. Ngem daytoy naisubli tatta. Ni Satanas dina mabalinan nga pasardengen ti paltiing no iteden ti Espiritu ti Dios.

Owen, no adda tallo nga Dios, mabalin nga nabautisaranka nga usto iti Ama, ken ti Anak, ken ti Santo Espiritu. Ngem ti PALTIIING NGA NAITED KENNI JUAN ket adda laeng ti MAYSA A DIOS ken ti Naganna isu ni APO JESU-CRISTO, ket mabautisaranka para iti MAYSA A Dios laeng. Dayta ti gapuna no apay a ni Pedro nagbautisar iti wagas a kasta laeng idiay Pentecostes. Kasapulan nga nakteranna ti pudno a paltiing a, "ipakaammok iti amin nga agteang iti Israel ti kinaagpayso, nga ti Dios pinagbalinna ni JESUS, isuna nga inlansayo iti krus, napagbalin NGA APO KEN CRISTO." Dayta Isuna, "Ni Apo Jesu-Cristo."

No ni Jesus ket "PADA" nga Apo ken Cristo, ket Isuna (Jesus) metlaeng, ket haan nga naisabali ngarud "isu ti Ama, ti Anak, kent ti Espiritu Santo" iti MAYMAYSA a persona a napagbalin a bagi. Isuna HAAN a "Dios iti tallo a persona, nabendisionan nga trinity," isu ket MAYSA A DIOS, MAYSA A PERSONA nga adda tallo a titulona, adda tallo nga opisina a naipakaamma. Denggenyo ti maminsan pay. Daytoy nga Jesus isu "PADA nga Apo ken Cristo." Apo (Ama) ken Cristo (Espiritu Santo) isuda Jesus, gapu ta Isuna (Jesus) ket PADA isuda (Apo ken Cristo).

No dayta ket haanna nga ipakita ti pudno a paltiing iti Kina-Dios, awanti makabalin. Ti Apo ket HAAN nga sabali; ti Cristo ket HAAN nga sabali. Ni Jesus a daytoy ket isu ni Apo Jesu-Cristo - DIOS A MAYMAYSA.

Ni Felipe kinuna ken Jesus iti maysa aldaw, "Apo, ipakitam kadakami ti Ama, ket umanayen kadakami." Kinuna ni Jesus kenuana, "nabayagen a nakikadkaduaak kadakayo, ket dinak pay la gayam am-ammo? Siasinoman a nakakita kaniak nakitana metten ti Ama; apay a kunam pay laeng, Nga ipakitak kadakayo ti Ama? Siak ken ti Amak ket Maymaysa."

Naibagak dayta naminsan ket maysa a babai kinunana, "Aguray bassit, Mr.Branham, sika ken ni asawam ket maymaysa."

Kinunak, "Haan nga kasta a klase."

Ti babai kinunana, “Anya nga ngarud?”

Kinunak kenkuana, “Makitanak kadi”

Kinunana, “Owen.”

Kinunak, “Makitam kadi ni asawak?”

Kinunana, “Haan.”

Kinunak, “No kasta ngarud dayta a panagmaymaysa ket sabali a klase, ta kinunana, ‘No makitayo Siak, makitayo ti Ama.’”

Ti propeta naibaga nga iti rumabii adda umay a silaw. Iti pagkantaantayo nakasurat:

It'll be light in the evening time,
The path to glory you will surely find,
In the water way, that's the light today,
Buried in the precious Name of Jesus.

Young and old, repent of all your sin,
The Holy Ghost will surely enter in.
The evening light has come -
It is a fact that God and Christ are one.

Haan nga nabayag iti napalabas, nakitungtungak iti maysa nga Jewish Rabbi. Kinuna kaniak,
“Dakayo nga Hentil haanyo nga mabalinan a pagsisinaen ti Dios iti tallo a pidaso sakayonto itedyo iti Judio. Ammomi ti nasaysayaat ngem dayta.”

Kinunak kenkuana, “agpayso dayta, Rabbi, dimi pagsisinaen ti Dios iti tallo a pidaso. Sika patiem kadi met laeng dagiti propeta?”

Kinunana, “Patiek a nga talaga.”

“Mamatika kadi iti Isaiah 9:6?”

“Owen”

“Siasino ti ibagbaga ti propeta?”

“Mesiyas.”

Kinunak, “Anyangay ti relasyon ti Mesiyas iti Dios?”

Kinunana, “Isuna ti agbalin nga Dios.”

Kinunak, “Agpayso dayta.” Amen.

Haanmo nga mabalinan nga ikabil ti Dios iti tallo a tao wenno tallo a parti. Dimo maibaga iti maysa a Judio nga adda ti Ama, ken ti Anak, Ken ti Espiritu Santo. Ibagana kenka a dagus no sadinno ti nagapuanna dayta nga panakaammo. Dagiti Judio ammoda daytoy a credo ket napundar idiyay Nicene Council. Dayta ti gapuna no apay nga ibilangda datayo a pagano.

Pagtungtungantayo ti maipapan ti maysa a Dios nga di agbalbaliw. Dagiti Judio patienda met dayoty. Ngem ti iglesia binaliwanna ti haan nga agbalbaliw a Dios manipud ti MAYSA pinagbalinna nga TALLO. Ngem ti silaw agsubli iti rumabii. Anyan a panakairanranana nga daytoy a kinapudno ket immay iti tiempo a dagiti Judio ket agsublidan idiyay Palestine. Ti Dios ken Cristo ket MAYMAYSA. Ni Jesus isu ti APO KEN CRISTO.

Ni Juan adda ti paltiingna, ket ni JESUS isu ti Paltiing, ket Isuna inpakaammona ti kinasiasinona iti daytoy a Kasuratan - "Siak ti Adda Idi, Adda Ita, ket ti Umay, ti Manakabalin-amin. Amen."

No ti paltiing ket nangato launay kenka, kumitaka diyay ngato ket sapulem ti tulong ti Dios para iti daytoy. Dayta laeng to wagas tapno maawatam daytoy. Ti paltiing aggapo manipud ti Dios. Haan nga aggapu manipud iti tao, natural a panangtulong, babaen laeng ti Naespirituan nga panangtulong. Mabalinam pay nga ikabisa dagiti Kasuratan, ta dayta ket naimabag a banag, ngem dayta dina mabalinan. Kasupulan talaga a paltiing aggapu manipud ti Dios. Naibaga iti Sao ti Dios nga awan ti makapagkuna a ni Jesus ket isu ti Cristo no di laeng babaen ti Espiritu Santo. Kaspulan nga awatem ti Espiritu Santo ket kalpasanna, ket kalpasan laeng, mabalinan ti Espirtu ikkannaka ti paltiing a ni Jesus isu ti Cristo: ti Dios, ti Anointed a Maymaysa.

Awanti ti tao a makaammo kadagiti banbanag a Nadiosan no awanti Espiritu ti Dios, ket ti laeng siasino nga inikkan ti Espiritu ti Dios napakaammoanda. Masapul nga umawagtayo ti Dios para iti paltiing ta kangronaan daytoy ngem dagiti banbanag iti lubong. Inaawattayo metten ti Biblia, inawattayo dagiti naindaklan nga kinapudnona daytoy, ngem haan nga agpaypayso kadagiti kaaduan a tattao gaputa awan ti paltiing ti Espiritu kadakuada. Ti Sao ti Dios haan nga sibibiag kadakuada. Ti Biblia kinuna iti 11 Taga-Corinto 5:21 Nairanudtayo iti kinalinteg ti Dios babaen iti panakikallaysatayo ken Jesu-Cristo. Naalayo kadi? Nakunana nga DATAYO TI KINALINTEG TI DIOS MISMO babaen iti panagtaengtayo iti UNEG ni Cristo. Kinunana nga Isuna (Jesus) nagbalin nga BASOL para kadatayo. Dina imbaga nga Isu nagbalin a managabasol, ngem nagbalin a BASOL para kadatayo ta babaen ti panaikallaysa kenkuana mapagbalintayo nga KINALINTEG ti Dios. No awatentayo ti kinapudno (ket kasapulantayo nga talaga) nga Isuna ket talaga nga nagbalin a BASOL para katadatayo babaen iti panakaisukatna kadatayo, kalpasanna kasapulan nga awatentayo ti kinapudno nga babaen iti panakikallaysa tayo Kenkuana nagbalintayo nga TALAGA A KINALINTEG iti Dios. Ti di panangawat iti maysa ket di met panangawat iti sabali. Ti panangawat ti maysa ket isu met ti panangawat iti sabali. Tatta ammotayo nga ti Biblia naibagana dayta. Daytoy di mabalin nga mailibak. Ngem ti paltiingna daytoy ket mapukpukaw. Daytoy ket di agpayso kadagiti kaaduan nga anak ti Dios. Daytoy ket nasayaat laeng nga bersikolo iti Biblia. Ngem masapul nga aramidentayo nga SIBIBIAG para kadatayo. Dayta masapulna ti paltiing.

Pabulusannak nga mangitinnag iti maysa banag pada a mangaramid a masdaaw ken makatulong kadakayo. Halos awan ti estudyante nga di mamati nga ti Baro a Tulag ket orihinal iti Pagsasao nga Griyego. Amin dagiti naindaklan nga estudyante ti Biblia nakunada nga ti Dios intedna ti lubong dagiti tallo nga dadakkel a nasion nga adda tallo met a dadakkel

a tulongda para iti pagsayaatan ti Ebanghelio. Intedna dagiti Griyego a nangted ti sangalubungan a sao. Intedna kadatayo dagiti Judio nga nangted ti usto a relihion ken panakaammo ti Dios babaen ti Mangisalakan. Intedna kadatayo dagiti Romano a nangted ti panagmaymaysa nga imperio nga adda linteg ken Sistema iti pagdalyasatan a kalkalsada. Isuna nga datayo naaddaantayo ti usto nga relihion, naaddaantayo ti sao tapno maiyebkastayo ti sao iti adu a tattao, ken naaddaantayo ti gobierno ken kalkalsada tapno maiwarastayo ditoy lubong. Ket ti napalabas nga pagbasaan kasla nga usto nga talaga daytoy. Ket tatta kunkuna dagititoy iskolar a Griyego nga ti Griyego a sao idi panawen ti Biblia ket awanti pagkuranganna ken usto nga talaga nga no ti estudyante iti Griyego ket napino ken umiso a grammarian maammoanna nga talaga no anya iti isursuro ti Sao iti Baro a Tulag. Ngem daytoy kadi ket haan laeng a kapanunutan? Agpayso kadi met aleng? Haan aya nga ti tumunggal maysa nga iskolar ti Griyego ket debatienna ti denominasyon ti sabali nga estudyante ti denominasyon, ket haan aya nga ti argumentoda ket naibasar iti Griyego a sao ken naibasar iti linteg ti grammar? Umiso dayta nga wagas. Uray pay idi panawenti iglesia idiy Pergamo, sakbay iti Nicene Council idi 325 adda dua nga nalalaing nga estudyante, ni Arius ken Athanasius nga napapati launay iti doctrinada nga nagsuppiatda iti maysa a Griyego a sao. Nabara launay ti panagsuppiatda ket ti sangalubungan naaramidda gapu iti daytoy dagiti agsursurat ti napalabas kinunada ti lubong nagedua maigapu laeng iti diphthong (the sound of two vowels in a single syllable). Tatta no ti Griyego ket awanti pagkuranganna, ken isu inordinan ti Dios, apay ngarud nga adda launay ti panagsusuppiat? Sigaurado ti Dios dina kayat nga amin tayo ket ammoantato ti sao a Griyego? Uray pay tatta datayo adda panagsuppiat iti Griyego. Alaen nga ehemplo ti libro, "Christ's Paralyzed Church X-rayed" ni Dr. McCrossan. Iti uneg daytoy a libro nangikabil isuna iti adu a mabasa naggapu manipud kadagiti nalalaing nga grammarian a Griyego, ket pinaneknekanna iti sarili a pagayatanna nga ti di agbalbaliw a linteg iti grammar ti Griyego isu ti manpaneknek nga ti Biblia isuruna a ti tao mabautisaran iti Espiritu Santo kalpasan ti panakaiyanak a mabaliwan. Naibagana pay nga dagiti babai ket mabalinda nga mangipangulo iti pulpito gapu ta ti sao nga propesia kayatna a saoen para mangasaba. Ngem napasurotna kadi dagiti dadduma nga estudyante iti Griyego nga kas kenkuana a makabalin? Haan pulos. Ti laeng aramidem ket basaen ken denggen dagiti kinunana dagiti estudyante isuda nga maisupadi ti panakaawatda kenni Dr.McCrossan.

Tatta haan laeng ti kalkalpasko nga naibaga ket agpaypayso, ngem umabantitayo pay iti maysa nga pannagna. Kadagitoy nga aldaw adda dagiti sumagmamano nga estudyante nga agkuna nga dagiti manuskripto ket naisurat iti Aramaic nga isu ti pagsasao ni Jesus ken dagiti tattao idi Tiempona. Isuda ibagbagada nga dagiti tattao dida nagsasao ken nagsurat iti Griyego a kas pagarup a panakaammo. Ken ti kinaagpayso dagitoy napalabas nga nagsurat ket nagedua iti dayta. Alaen a pagulidanan, ni Dr. Schonfield, isu maysa a nakalalaing nga estudyante iti panagbirok pinaneknekanna iti kayatna a ti Baro a Tulag ket naisurat maiyanurot iti Griyego a pagsasao iti dayta a tiempo. Naurnongna ti maysa a kaso para iti pammatina, maibasar iti nadumaduma a dokumento nga adda kenkuana. Ngem iti sabali a bangir adda met maysa nga nalatak a estudyante, ni Dr. Lamsa, isuna kombinsado nga ti Baro a Tulag ket naisurat iti Aramaic ken awanen ti siasinoman nga kalaingan a nagsurat ti napalabas, ni Toynbee, tapnu patalgedanna ti takderanda nga ti Aramaic, ket HAAN NGA GRIYEGO iti pagsasao dagiti tattao, isunga mabalin nga ti Baro a Tulag ket immuna nga naisurat iti Aramaic.

Ngem, sakbay nga agdanagtayo launay iti daytoy, basaentayo nga parehas iti bersyon ti King James ken ti panangipatarus ni Dr. Lamsa. Iti panakapnek masarakantayo dagiti sasao

nakakasdaaw ta parehasda isunga awanti nagdumaanna nga talaga iti doktrina ken ti naisurat iti unegna. Mabalinantayo pay nga kunaen ti Dios impalubosna dagitoy manuskripto a kabarbaro a nadiskobreda ken dagiti publikasiyon a baro nga naipakaammoen immay kadatayo a mangpaneknek iti kinaagpayso iti addaen kadatayo. Ket masarakantayo uray no dagiti agipatarus ket agsisinnupiatda, ti kasuratan haan nga agsuppiat.

Tatta makitam nga dimo maibasar ti interpretasyon iti nauneg nga panakaammo dagiti estudyante no anya ti inusarda a pagsasao nga nangisurat iti Biblia. No dimo pay laeng makita dayta gapu ta natakepan iti panunotmo babaen ti traditon daytoy ti maudi nga panangipakaawat. Awan duadua ti sianoman ngem no anya ti ammo dagiti Eskriba ken Pariseo ken dagiti naindaklan nga iskolar idi tawen 33 A.D. dagiti egsakto nga linteg iti grammar ken dagiti egsakto a kayatna a saoen ti sasao no sadino iti nangisuratanda ti Daan a Tulag; ngem uray iti amin a kinalaingda dida naala ti paltiing ti inkari ti Dios ti Saona a naipakita iti Anak. Idiay Isuna naikabil manipud ti libro ti Genesis inggana ti Malakias, nga adda dagiti sibubukel a kapitolo naiaranta para kenkuana ken ti ministeryona, ket dida naala aminen ti paltiingna, malaksid laeng kadagiti sumagmamano a nasilawan babaen ti Espiritu.

Nakadanuntayo tatta iti maysa a konklusyon, kasta a konklusyon nga nasarakantayo iti Sao. Uray pay ti kaadu iti panamatitayo a panangbirok ti kabayagan ken dagiti kamayatan nga manuskripto tapno maalatayo ti kamayatan nga nangisuratanda iti Sao no mabalin, uray ti kaanoman ditayo maala ti usto a kayatna a soen babaen iti panagadal ken ti panagkompera ti Kasuratan, uray pay no kasano ti kinasinserotayo. **KASAPULANNA DAYTOY TI PALTIIING A MAGAPU TI DIOS TAPNO MAIPARWAR. DAYTA TI USTO UNAY NGA NAIBAGA NI APOSTOL PABLO, "ITI BANBANAG MET NGA IPALPALAWAGMI, SAANMI NGA ARAMATEN DAGITI ISURSURO TI TAO, NO DI KET DAGITI ISURSURO TI SANTO ESPRITU,"** 1 Taga-Corinto 2:13. Ti usto nga panakaipakaammo ti Dios isuna ipatarusna ti Saona babaen ti panangtungpalna no anya ti inkarina.

Tatta awan koma ti siasinoman nga maiyaw-awan gapu iti naibagak ken awan komo ti mangpanunot nga diak mamati iti kinaagpayso iti Sao ta kaadda kadatayo tatta. Mamatiak ti kinaagpaypaysona daytoy a Biblia. Ni Jesus ket talaga nga painaneknekanna aminen ti Daan a Tulag idi adda isuna ditoy daga ket dagitoy naur-urnongda nga usto kas isu ti Baro a Tulag. Awanti pagkamalianna maipapan daytoy. Adda kadatayo ti awan pagkamalianna nga Sao ti Dios tatta ket awan ti tao a mangpadas nga mangkessay wenno mangnayon iti daytoy. Ngem kasapulantayo ti parehas nga Espiritu a nangted iti daytoy, tapno isuronoanna datayo.

Oh, kasapulantayo nga talaga ti paltiing babaen ti Espiritu. Ditayo kasapulan ti baro a Biblia, ditayo kasapulan ti maysa a baro a translasiyon, uray pay no mayat launay dagiti dadduma, ken haanak nga makisuppiat kadakuada, **NGEM KASAPULANTAYO TI PALTIIING ITI ESPIRITU.** Ken agyamantayo ti Dios, mabalin nga maawat ti kasapsapulantayo, gapu ta ti Dios kayatna nga ipaltiing ti Saona para kadatayo babaen ti Espirituna.

Sapay koma ta rugian ti Dios babaen ti Espirituna nga ipaayna kadatayo ti agtultuloy a mangted-biag ken managballigi nga paltiing. Oh, no koma ti iglesia ket makaawat ti kaum-umay a paltiing ken ibiagda daytoy babaen iti sibibiag a Sao a naipakaammo, mabalinantayo nga aramiden dagiti naindaklan a trabaho ken maitan-ok ti Dios nga Amatayo idia langit.

Paltiing 1:5, “Aggapu Kenkuana nga mangay-ayat kadatayo, ken naugasanna dagiti basbasoltayo babaen iti darana a Mismo.” Ti sao nga “naugasan” ket talaga nga “winayawayaan” - “Winayawayanna datayo babaen iti darana nga mismo.” Haan aya nga nakasaysayaat dayta? Ngem ti panunoty kadi ket naispirituan? Naalayo met laeng kadi? Ti Darana a Mismo ti nagwayawaya nga awan pagkuranganna kadagiti basbasoltayo. Haan nga dara ti tao. Isu iti dara ti Dios. Ni Pedro inawaganna ti dara ni Cristo. Ni Pablo inawaganna ti Apo, ken ti dara ni Jesus. Haan nga tallo a tattao, no id ket MAYSA a tao. Dayta manen ti paltiing, MAYSA a Dios. Mannakabalin a ni Jehovah a Dios bimmaba manipud langit a nagaramid iti Bagina babaen iti panakayanakna iti maysa a birhen ket isu ti nagtaenganna, tapnu maigapu iti dara ti Dios isu ti mangwayawaya kadatayo (wayawaya nga sibubuo) maigapu kadagiti basbasoltayo ken ipasangona datayo Kenkuana nga awan pakababalawanna a kanayonna ti napalalo a ragsak.

Kayatyo kadi iti Daan a Tulag a basaran? Agsublitayo man idiaiy Harden ti Eden. Idi immay ti umuna a damag idiaiy gloria nga ti anak a lalaki, ni Adan, a napukaw, ti Dios kadi nangibaon ti Anghel? Nangibaon kadi isuna ti anak? Nangibaon kadi iti sabali a kasla kadatayo? Haan, Isuna mismo ti immay nga nangsubbot dayta napukaw nga anakna. Hallelujah! Ti Dios dina intalek ti Planona a panangisalakana iti sablali. Intalekna na laeng Sarilina. Ti Dios nagbalin a bagi ket nakipagtaeng kadatayo ken sinubbotna datayo babaen ti Sarilina mismo. Naisalakantayo babaen ti “dara ti Dios.” Nagbalin isuna nga Kordero tapnu maiparukpok ti darana ken sumrek iti kaunegan nga paset ti templo nga iggemna ti darana.

Ibilangtayo daytoy. Gaputa daytoy ket ti dara ti Dios, isu ngarud ket awan ti pangkukuranganna; ken no awan pagkuranganna a dara ket wayawayaanna datayo gapu ti panakabalin ken panakabalod ken panakarugit iti basol, ngarud ti panakawayawayatayo ket perfecto ken kompleto. Saan ngarud a masentensiaan a madusa. “Siasinonto ti mangidarum kadagiti pinili ti Dios? Ti mismo a Dios mangpalinteg (ibilingna nga awan basoltayo). Siasino ngarud ti makabalin a mangsentensia kadatayo? Ni Cristo isu a natay...” Taga-Roma 8:33-34. Dayta ngarud, ti Pakanatayna intedna ti darana kadatayo. Ti darana ket winayawayaanna datayo. Saan ngarud a masentensiaan a madusa. Kasano nga masentensiaan? Awanti banag a gapuna no apay masentensiaan, gaputa ti darana winayawayaantayo kadagiti basol. Siwayawayaatayo, awanti ti basoltayo. Dimo denggen ti kukuna ti tao, denggem ti Sao ti Dios. Sika ket nawayawayaanka babaen ti dara.

Tatta haankan nga pabalod manen kadagiti tradisyon ken ti kredo ken ti organisasyon. Haanka nga pailadalan babaen ti panagdenggegmo kadagidiay mangilibak ti panakabalin iti Sao ti Dios ken mangilibak nga ni Jesus ket mangisalakana, mangagas, ken magpunno ti Santo nga Espiritu ken panakabalin. Sika ket nawayawayaankan a tao, nawayaan babaen ti Darana mismo. No eggemmo pay ti panamati iti kredo ken denominasyonmo, isu ti mangipakita babaen ti ibidensya nga napukawmo ti panamati iti Sao ti Dios.

DAGITI ARI KEN DAGITI PADI

Paltiing 1:6, “Pinagbalinnatayo nga ar-ari ken papadi nga agserbi iti Dios ken Amana; Ipaduyakyaktayo ti agnanayon a dayag ken pannakabalin ni Jesu-Cristo. Amen.”

“Isuna pinagbalinatayo!” Oh, adda dagiti kinapudno a banbanag nga ikkantayo ti kaes-

eskanna. Daytoy ket maysa kadagitoy. Isuna! PINAGBALINNATAYO! Ti pangangisalakan ket isu aramidna. Ti panangasalakan ket aggapu laeng iti Apo. Amin a parabur. Sinnubbotna datayo para iti maysa a panggep. Ginatangna datayo para iti maysa a panggep. Datayo eta r-ari, naispirituan nga ar-ari. Oh, datayo ket maaramid nga ar-ari iti lubong a kaduatayo Isuna intono agtugaw iti Tronona. Ngem tatta datayo ket naispirituan nga ar-ari ket datayo ar-ari iti naispirituan a pagarian. Naibaga iti Taga-Roma 5:17, "Agpayso a gapu iti basol ti maysa a tao, nagturay ni patay, ngem ad-adda pay a gapu iti inaramid ni Jesu-Cristo, agturay iti biag dagiti amin nga umawat iti nawadwad a parabur ken sagut ti kinalinteg." Ken iti Taga-Colosas 1:13, "Inispalnatayo iti pannakabalin ti sipngget, ket impannatayo iti pagarian (agturay) ti dungdungngoenna nga Anak." Madamatayo nga makipagturturay Kenkuana, iti panangpamek iti basol, ti lubong, ti bagitayo, ken ti diablo. Ipakpakitatayo ti Panakaidaydayawna ken dayagna; ipakpakitatayo Isuna, gaputa ni Cristo adda iti unegtayo. Owen, agpaypayso, uray pay tatta nakatugawtayo idia nailangitan a luglugar kenni Cristo Jesus.

"Ken pinagbalinnatayo a papadi." Owen, papadi para Kenkuana, agidatatontayo ti naispirituan a pangdayaw manipud kadagiti subiltayo a nadalulasan. Usarentayoen ti biagtayo a kas daton a nasam-ti para Kenkuana. Daydayawentayo Isuna iti Espiritu ken iti kinapudno. Mangibabaet ken agdawdawat. Papadi ken ar-ari para iti Dios. Dayta ti gapuna no apay nga ti lubong ket haan nga makaay-ayo kadatayo ken datayo ket naisabsabali napinget para kadagiti nasayaat nga aramid. Datayo ket naparsua manen Kenkuana tapnu maawagantayo nga an-annak a kas iti Amatayo.

TI PAUMAY NGA DIOS

Paltiing 1:7, "Kitaenyo, umayen ni Jesus a silulugan kadagiti ulep; ken makitanto ti tunggal maysa, agraman dagiti nangduyok kenkuana: dung-awanto dagiti tattao Isuna iti amin a pagilian ditoy lubong. Maaramid koma a kasta, Amen."

Paumayaen Isuna. Ni Jesus paumayen. Ti Dios paumayen. Ti Propeta ket paumayen. Ti Padi ken Ari ket paumayen. Ti Amin - Aminen ket paumayen. Maaramid koma a kasta, Apo Jesus, umaykan a dagus. Amen.

Paumayen isuna. Umayen Isuna a silulugan kadagiti ulep, kadagiti ulep iti dayag a kasla idi nakitada idia Bantay a Nagbalbaliw, ken ti Badona nagraniag idi ti panakabalin ti Dios a nangbalot Kenkuana. Ken AMIN nga mata makitada Isuna. Daytoy ket haanna nga kayay a saoen ti Panakaitayab. Daytoy ket isu ti iyuumayna a panangala ti Karbenganna a lugar kas Mangidaulo iti amin a Lubong. Daytoy ket intono dagidiay nangduyok Kenkuana babaen ti kredo ken dagiti denominational a doktrina ket agladingitda, ken amin nga tattao ket agsinnasinnaayda iti buteng maigapu Kenkuana Isuna a Sao ti Dios.

Daytoy ti paltiing nga pakasaritaan ni Zacarias 12:9-14. Ni Zacarias impadtona mabalin nga 2500 a tawtawen ti napalabas. Ket mapasamak iti mabiit. Denggenyo. "Iti dayta a tiempo, dadaelekto ti amin a pagilian nga agpanggep a mangraut iti Jerusalem. Punnoekto dagiti kaputotan ni David ken dagiti tattao ti Jerusalem iti Espiritu a mamagbalin kadakuada a manangngaasi ken managkararag: ket kumitada Kaniyak Siak nga tinudukda idi ti bakrangko, ..." Tatta, intono ti Ebanghelio ket agsubli kadagiti Hudyo? Intono ti aldaw dagiti Hentil ket malpasen. Ti Ebanghelio ket nakasagana nga agsubli para kadagiti Hudyo. Oh, no koma

maibagak kadakayo ti banag a nganngani a mapasamak itatta a tiempotayo. Daytoy naindaklan nga banag ket maituloy idia y libro ti Paltiing 11 ken alaentayo dagidiay dua a saksi, dagidiay dua a saksi, isuda Moses ken Elijah, isuda ti mangisubli ti Ebanghelio kadagiti Hudyo. Nakasagana tayo metten. Amin nga banbanag ket naayosda. Dagiti Hudyo inyegda ti mensahe kadatayo nga Hentil, kasta met a dagiti Hentil isublida ti mensahe para kadagiti Hudyo, ket ti Panakaipangatotayo umayen.

Tatta, laglagipenyo nga ti kalkalpas nga nabasatayo iti libro ti Paltiing ken ti libro ti Zacarias. Parehasda nga immay kalpasan ti napalalo launay a rigrigat. Ti Iglesia iti Immuna nga naiyanak saan nga dumalan ti napalalo launay nga rigrigat. Ammotayo dayta. Ti Biblia isursurona dayta.

Iti dayta nga tiempo naibaga nga ti Dios iparukpokna ti Espirituna ti kaputusan iti Israel. Dayta nga Espiritu isu ti naiparukpok met kadagiti Hentil idi tiempoda. “Ket kitaendanto dagiti nangduyok kaniyak, ket dung-awandanto Isuna, agdung-awdanto a kas napukawan iti maymaysa nga anak, ket nasaem launay ti panagdung-awda para Kenkuana, a kas kasaem ti napukawan ti umuna nga anak. Iti dayta nga aldaw adda ti naindaklan nga panagdung-aw idia y Jerusalem, kasla iti panagdung-aw iti Hadadrimmon idia y patad ti Megiddon. Ket ti ili agdung-awda, tumunggal pamilia maisina; ti pamilia iti kaputusan ni David maisina, ken dagiti asawada maisina; ti pamilia iti kaputusan ni Nathan maisina, ken dagiti asawada maisina;...” Ket tumunggal maysa iti kaputusan maisina, intono umay ni Jesu-Cristo iti ulep ti tangatang iti Maikadua nga lyaayna. Dagidiay Hudyo nga babgduyok kenkuana makitadanto isuna a kas kuna iti sabali a paset ti Kasuratan, “Sadinno ti nangalaam kadagita nga sugatmo?” Ket Kunaenna, “Iti balay dagiti Gagayyemko.” Haan laeng nga agdung-aw dagiti Hudyo iti dayta a tiempo gaputa dida inawat Isuna nga Mesiyas, uray met dagiti Hentil agdung-awda maigapu ta dida inawat ni Jesus nga mangisalakanda idi tiempoda.

Addanto it nasaem nga panagsangit ken panagngaretnget. Dagiti nakaturug nga berhin ket agngaretngetda. Dagitoy nakaturug nga berhin irepresentarna ti iglesia nga di immawat iti lana (simbolo ti ESpritu Santo) iti pagsilawanda (simbolo iti bagi wenno ti mangeggem iti lana) inggana nga naladawen ti amin. Haan nga gaputa dida nasayaat nga tattao. Daida ket berhin ket iparparangna nga nagato ti kinadalus a kasasaadda. Ngem naibusanda ti lana iti pagsilawanda isunga naitapwakda iti lugar nga adda nasaem nga panagsangit ken panagngaretnget dagiti ngipen.

Ibasartayo amin daytoy idia y Genesis, capitulo 45, sadiay nga ni Jose ket makisinnarak kadagiti kakabsatna idia y Egipto ket ipakaammona no siasino nga talaga isuna kadagiti kakabsatna. Genesis 45:1-7, “Saanen a magawidan ni Jose ti riknana iti sangoanan dagiti agserserbi kenkuana isut' gapuna a pinapanawna ida iti kuarto. Awan sabali a kaduana idi ipudnona kadagiti kakabsatna ti kinasiasinona. Kasta unay ti pigsangitna ket nangnggeg dagiti Egipcio. Naipadamag daytoy iti palasio. Kinuna ni Jose kadagiti kakabsatna, “Siak ni Jose. Sibibiag pay kadi ni tatang?” Ngem kasta unay ti panagbuteng kenkuana dagiti kakabsatna ket dida nakasungbat. Imbaga ni Jose nga umasidegda. Immasidegda kenkuana ket kinunana, “Siak ni Jose a kabsatyo nga inlakoyo ken naipan ditoy Egipto. Ngem dikay mariribukan wenno diyo pabasolen ti bagiyo iti panangilakoyo kaniak. Kinapudnona, ti Dios ti nangibaon kaniak ditoy nga umun-una ngem dakayo tapno maisalakan ti biag dagiti tattao. Maikadua pay la daytoy a tawen a panagbisin iti daga. Adda pay lima a tawen nga awanto ti maapit iti taltalon. Imbaonnak ti Dios ditoy nga immun-una ngem dakayo tapno ispalenkayo babaen iti daytoy nakaskasdaaw a pamuspusan ken tapno awan duadua a makalaskakayo,

agraman dagiti kaputotanyo.”

Tatta haan aya maipada dayta iti Zacarias 12 nga nakapinpintas? Pagnayunentayo dagiti dua nga capitolo awanti makalapped nga di tayo maala ti kayatna a saoen.

Idi ubing pay ni Jose ket kinagura isuna dagiti kakabsatna. Apay ngata nga kinagura dagiti kakabsatna? Agsipud ngamin ta isuna ket Naispirituan. Saanna nga malapdan nga makakita kadagiti parpamata, saanna nga malapdan nga agtagtagaenep ken mangipatarus. Dayta ket adda iti unegna. Dayta nagrud, dagiti kakabsatna kinagurada ni Jose nga awan ti maigapu. Ngem ni Jose ket ay-ayaten ni Jacob nga amana. Ni amana ket maysa a propeta ket maawatanna. Dayta ti mangaramid ng ani Jose ket iladawanna ni Cristo. Ti Dios Ama ay-ayatenna ti Anakna, ngem dagiti kakabsat (Scriba ken Phariseo) kinagurada ni Jesus gaputa inagasanna dagiti masaksakit, nagaramid kadagiti nakasdaaw ken naibagana ti mapasamak iti masakbayan, nakakita kadagiti parpamata ken naipatarusna pay amin ida. Dayta ket haan nga rason tapnu kinagurada ngem inaramidda, ket kasta met ti inaramid dagiti kakabsat ni Jose, kinagurada isuna nga awanti maigapu.

Tatta lagipentayo nga dagidiay an-annak ni Jacob no kasano ti tratoda ken Jose. Intennagda ni Jose iti abot. Innalada dagiti kakabsatna ti badona nga inaramid ni amana ket binasa babaen ti dara tapno ni amana ket panunutenna nga pinatay ti maysa nga narungsot nga animal. Inlakoda ni Jose iti tao nga gumatgatang kadagiti katulong ket innalana ni Jose idiay Egipto ket idiay nailako manen iti maysa nga pangolo a ni Potiphar. Ti asawa ni Potiphar ket inakosaranna ni Jose isunga naibalod, ngem kalpasan dagiti tawen ti kababalin ni Jose a kas propeta isu ti gapuna no apay nga naipan isuna iti ayan ni Pharaoh ket ni Jose naitan-ok a makanawan ni Pharaoh nga awan ti makapan iti ayan ni Pharaoh masapul nga magnada pay iti ayan ni Jose.

Tatta sukimatentayo ti biag ni Jose idi adda isuna idiay Egipto, ta iti daytoy makitatayo ni Jose isuna launay ket iladladawanna ni Cristo. Idi adda isuna idiay balay ni Potiphar naakosaran isuna, nasentensiyaan ken naibalod nga awan ti inaramidna a basol, kasta met ti inaramidda ken Jesus. Idiay pagbalodan inpatarusna ti tagtagaenep dagiti dua a kadauana iti pagbalodan ti agserserbi ti Arak (butler) ket ti Panadero (baker). Ti agserbi ti arak naisubli iti trabahona, ngem ti Panadero ket nasintensiyaan nga nadusa iti patay. Ni Cristo naibalod idiay cross, binaybay-an ti Dios ken binaybay-an ti tao. Iti nagsumbangirna idi idiay cross ket maysa a mananakaw - ti maysa natay, a naespirituan, ngem ti maysa naikkan iti biag nga di agpatingga. Ket pansinentayo, idi ni Jesus naikkat idiay cross, Isuna naipangato idiay langit ket tatta nakatugaw iti makanawan iti naindakklan nga Espiritu ni Jehovah; ket awan ti makapan ti Dios babaen laeng ken Jesus. Adda laeng ti MAYSA a mangibabaet iti Dios ken kadagiti tattao, ket Isuna laeng ti kasapulam. Awan ti adu nga santa Maria wenno dagiti sasanto, ni laeng Jesus.

Iti panangitultuloytayo iti kababalin ni Jose masarakantayo, kitaentayo ti amin nga inaramidna idiay Egipto ket naballigi isuna. Ti umuna nga trabahona idi adda isuna iti sidong ni Potiphar a pangulo ket naballigi. Uray idi adda isuna idiay pagbaludan naballigi latta. Intono agsubli ni Jesus, ti let-ang ket agsabongda a kas iti rosas. Isuna ti “Anak a Naballigi.” Awan ti panawen a naballigi a kas idi tiempo ni Jose, adda ngarud ti tiempo nga umay a mabendisionan daytoy intero nga lubong nga ti sangalubongan ket dina nga ammo. Datayo a saggaysa ket agtugaw iti sirok ti kayo a higos ket agkatawatayo ken agrag-otayo ken agbiagtayo nga agnanayon iti presensiya ti Apo. Iti presensiya ti Apo adda iti napunpunno a

ragsak ken iti makanawanna adu unay a ragsak nga agnanayon. Madaydayaw ti Apo.

Tatta pansinentayo, sadinnoman nga papanan ni Jose pagunienda ti trumpeta ipakaammoda ti iuumayna. Dagiti tattao agpukkawda, “Agparintumeng kayo ken Jose!” Uray no anya ti ar-aramiden ti maysa a tao, no aguni ti trumpeta agparentumeng ti tao. Mabalín nga ti tao ket aglaklako iti dalan, kautenna ti kuartana, ngem dayta a tao agsardeng ket agparentumeng no ti agunien ti trumpeta. No maysa a tao ket madama ti aramidna wenno kas maysa nga artista, kasapulan nga isardengna ti ara-aramidenna ket agparentumeng iti kaadda ti presensiya ni Jose no aguni ti trumpeta. Ket maysa kadagiti al-aldaw nga umay aminto iti dayta a tiempo agsardeng intono ti trumpeta ti Dios ket aguni, ket dagiti natay ken Cristo agungarda ket iti dayta nga agsapa umayen ti agnanayon a ranyag ken kinasayaat. Amin ket agparentumengdanto, gapu iti naisurat, “Gapu iti daytoy ket intan-ok ti Dios iti kangatoan a saad, ket intedna kenkuana ti Nagan a natan-ok iti amin a nagan: iti kasta kas pammadayaw iti Nagan ni Jesus agparentumeng dagiti amin a parsua sadi langit, ken amin a parsua ditoy daga, ken amin nga parsua nga adda iti uneg ti daga; ket silalatak nga ipablaak ti amin a tao a ni Jesu-Cristo isu ti Apo, a pakaidayawan ti Dios Ama.” Taga-Filipos 2:9-11.

Ngem pansinentayo ti maysa pay a nakasaysayaat a paltiing iti daytoy pakailadawan ti biag ni Jose. Ni Jose, idi adda pay idia Egipto, naikkan iti asawa a Hentil ket naaddaan iti pamilyana ti dua nga anak a lallaki babaen ken asawana, isuda Ephraim ken ni Manasseh. Ni Jose dinawatna ken amana nga bendisiyonanna ida. Inkabilna ida iti masangoanan ni amana nga Jacob itatta ni Manasseh, ti iyauna nga naiyanak inkabilna iti makanawan ket ni Ephraim iti makatigid ni amana. Idi rugiyenen ni Jacob nga bendisiyonan ida pinagkurosna dagiti Imana ket impatayna ti makanawanna iti ulo ni Ephraim nga isu ti inaudi. Ni Jose nagpukkaw, “haan nga umiso, ama, daytoy ti iyauna, iti makanawanmo.” Ngem ni Jacob kinunana, “ti Dios pinagkurosna dagiti im-imak.” Iti daytoy makitatayo nga ti bendisiyon nga para koma ti iyauna (ti Hudyo) naited iti inaudi (ti Hentil) babaen ti kuros (pinagkuros nga im-ima) a ni Apo Jesu-Cristo. Ti bendisiyon maigapu babaen iti kuros. Taga-Galacia 3:13-14, “Ngem idi nagsagaba ni Cristo gapu kadatayo nawayawayaannatayo iti panangukom ti Linteg. Kas kuna ti Nasantoan a Surat, Naukom ti siasinoman a maibitin iti kayo. Inaramid ni Cristo daytoy tapno maited kadagiti Hentil ti bendision nga inkari ti Dios ken ni Abraham babaen ken ni Cristo Jesus, ket awatentayo koma ti Espiritu nga inkari ti Dios babaen iti pammati.” Ti bendisiyon ni Abraham immay babaen iti kuros para kadagiti Hentil. Dagiti Hudyo dida inawat ti kuros; dayta ti gapuna, ni Jesus nakaala ti asawana nga Hentil.

Tatta agsublitayo iti pakasarittan no Jose idi nakisinnarak kadagiti kakabsatna. Maipalagik nga dagiti kakabsatna ket dida immay amin. Ammo ni Jose daytoy isunga imbilinna nga amin dagiti kakabsatna ket agparangda iti sangoananna, ta haan nga mabalín nga ipakaammona no siasino isunano kurangda. Kasta ngarud tay kabsatda nga awan, ni buredek Benjamin. Isu ni buredek Benjamin, ti umiso nga kabsatna iti ina, nga isu ti nangpabara iti kararuana. Ket intono ni Jose tayo, nga isu ni Jesus, umay kadagiti tattao nga mangtungtungpal iti bilin ti Dios ken isuda nga nagsubli idia Palestine, ti Kararuana ket umap-apoy. Ni buredek nga Benjamin irepresentarna dagiti 144,000 nga israelitas nagapuda kadagiti naduma duma nga suli ti lubong nga nagsubli idia Palestine tapno masubbotda. Addadanto sadiay nga agtaktakder nga nakasagana nga mang-acceptar ken Jesus, maamoanda nga usto ni Jesus isu ti Biag nga awan patenggana. Kunaenda, “Daytoy isu ti nabayag nga inur-uraymi nga Diosmi.” Ket makitada ni Jesus nga isu tinudok ti bakrangna. Ket isuda agsangitda iti kasta Launay, “saludsudenda naggapuanna dagiti sugugatmo kunaenda? Anya ti napasamak? Ket agladingitda ken agsangitda, tumunggal pamilia, tumunggal maysa permi launay ti ladingitda.

Tatta sadinno ngata ti lugar nga ayan ti Iglesia a Hentil intono ni Jesus ket ipakaammona no siasino Isuna kadagiti kakabsatna? Lagipentayo nga ti asawa ni Jose kadwana dagiti dua anakda ket addada idiaiy palacio, ta ni Jose ket imbilinna, "Amin kayo panawannak; amin ket umadayo iti masangoanak." Ngarud ti Nobia nga Hentil ket nakalemmeng idiaiy palacio ni Jose. Sadinno ti papanan ti Hentil nga Iglesia idiaiy ngata panakaipangatona iti tangatang? Idiaiy palacio. Ti Nobiya ket maala nga maiyadayo manipud ditoy daga. Ti Nobiya ket maipangato sakbay ti naindaklan a tuttuok tapno sabatenna ti Apo idiyay ulep. Ta tallo ken kagedua nga tawtawen kabayatanna nga ti supapak a pungtot ti Dios ket maiparparukpok ditoy lubong, ti Nobiya ket adda iti naindaklan nga boda iti Kordero. Ket agsubli ni Jesus, ibatina ti Nobiyana idiyay "balay ni Amana," kabayatan ti panangipakaammona no siasino Isuna kadagiti kakabsatna. Iti dayta nga tiempo met laeng, ti anticristo nga katulagan nga naaramid dagiti Hudio ket ti Roma ket madadael. Ti Roma ken dagiti kaaliyadona ibaonda dagiti tropada tapno papatayenda wenno dadaelenda dagiti agrukbab iti Dios, dagiti Hudio nga agtungtungpal iti Sao ti Dios. Ngem kabayatan nga paumay dagiti tropa tapno dadaelenda ti siyudad, idiyay metten nga agparang manipud langlangit ti iyuumay ti Anak ti Tao kaduana dagiti nabibilig nga suldadona tapno dadaelenda dagiti tattao nga mangdadael ti daga. Ti kabusor ket maiwaksi, ni Jesus ngarud ket umay ken iparangna ti Kinasiyasinona para kadagiti 144,000. Dagiti Hudio makitada ti naindaklan nga panangisalakanna, maammoanda ti kina mannakabalinna. Ngem makitada met dagiti sugatna ket iti dayta a tiempo met laeng maammoanda nga nirejectarda isuna idi, dayta ti gapuna nga agsangitda iti napalalo a panagkintayeg ken buteng, a kas met inaramid dagiti kakabsat ni Jose idi iti masangoananna, permi ti butengda a kasla mapapatayda. Ngem kas kinuna ni Jose, "Haan kayo nga agunget iti bagbagiyo. Ayus laeng dayta. Ti Dios adda iti tengnga iti daytoy amin. Inaramidna tapno maisarba ti biag." Kasta met a ni Jesus isawangna ti talna ken ayat para kadakuada.

Apay nga dagiti Hudio nerejectarda ni Jesus? Ti Dios adda iti nagtengngaamin amin iti daytoy. Isu laeng ti wagas ti Dios tapnu iti kasta mairwarna ti Nobiya a Hentil. Natay Isuna idiaiy cross tapnu maisarba ti biag iti Iglesia a Hentil.

Tatta dagitoy 144,000 haanda nga mainayon iti Nobiya. Iti libro ti Paltiing 14:4 isuda maawagan nga birhin ken isuda sumursurotda iti Kordero sadinoman a papananna. Ti kinaagpayso nga dida nirugitan ti bagbagida kadagiti babai mangipakita nga isuda ket nakapon dida makiasawa (San Mateo 19:12). Dagitoy a lallaki a nakapon ket isuda ti mangtaripato iti pagyanan ti Nobiya. Isuda dagiti kakadwa. Pansinentayo dagitoy birhin ket dida nga agtugaw iti trono no ket addada iti masangoanan ti trono. Haan, isuda ket di mainayon iti Nobiya, ngem addadanto iti naindaklan nga panagari ni Jesus iti sangaribo a tawen.

Makitatayo ngarud nga daitoy maudi nga Hudio ket mainayon nga ayatenda para iti apo, ket ti kabusor ket mapapatay wenno madadael, ti Dios isaganana ti nasantoan a bantay, Isu ti baro a harden iti Eden para kenkuana ken iti Nobiya ken dagiti kakadwa para iti sangaribo a tawen a panagtipon ti Nobiyoy ken Nobiya ditoy lubong. Kas met kada Adan ken Eva idi addada iti harden ket dida inleppas ti sangaribo a tawen, tatta ni Jesus isu a maudi nga Adan, ken ti Eva (Agpayso nga Iglesia) itungpalda ti plano ti Dios.

Oh, anyan nga ti Biblia ket ulitanna ti sarilina. Ti pakasaritaan ni Jose ken dagiti kakabsatna ket maulit iti mabiit, ta ni Jesus ket di agbayag umayen Isuna.

Ket kas panawantayao ti ehemplo ti pakasaritaan ni Jose, adda pay ti maysa a banag nga kayatko nga ipakita maipapan iti daytoy maudi nga tiempo. Malagipyo nga kabayatan a ni Jose timmakder iti masangoanan dagiti kakabsatna idi awan pay ni Benjamin nagasao ni Jose iti masangaoanda babaen iti mangipatpatarus uray pay no ammona Launay ti Hebrew a pagsasao. Nakisao isuna kadagiti kakabsatna iti sabali a pagsasao. Ammoyo kadi a ti umuna a Iglesia ti Hentil (ti ulona ket balitok, panawen ti Babylonia) rimwar nga adda mensahe iti sabali a pagsasao a naisurat iti dingding? Daytoy nga panawen met ket rumwar a kaparehasna idi. Ti kaadu ti nagsasabali a sao kadagitoy nga al-aldaw ket mangipakita iti adadu a basaran nga ti Tiempo dagiti Hentil ket malmalpasen ket ti Dios agsublien para ti Israel.

Ni Jesus ket umayen iti mabiit. Isu ti Alfa ken Omega, ti Propeta, ti Padi ken Ari, ti Amin ken Aminen, ti Apo Dios dagiti buybuyot, ket paumayen. Uray pay ni Apo Jesus, ti Maysa ken Isu laeng nga Usto a Dios, pardasam nga umay!

Source: CAB 01 - Revelation - "1 - The Revelation Of Jesus Christ"
Rev. William Marrion Branham.